

续
山东考古录

卷二十八之
卷三十二

續山東考古錄卷之二十八

經眼

滄州葉圭綬子佩甫述

山考

古有今無之山

濮州歷山 山東境內歷山凡五州與歷城蒙陰沂水費縣也
在濮者近雷澤差足依據水經注稱其孤立峻上亭亭傑峙元
史和尚人名也傳子千家奴延祐五年致仕退居濮上築先聖晏
居祠堂於歷山之下是元時茲山尚在今其地名歷山廟莽平
無拳石而雷澤亦涸無勺水陵谷變遷於斯爲信

曹縣曹南山 詩曹風南山朝躋元和志曹南山在濟陰縣東

二十里當在今縣北與荷澤定陶接界處今無通志稱在曹縣南八里非是

泰安縣龜山 杜預稱在博縣北水經注謂在北十五里今無

平原縣原山 三國魏志管輅傳注輅別傳曰輅曰平原者本

有原山無木石是魏時已無矣

武城縣紫薇山 唐天寶末清河人崔以清言見元元皇帝於

天津橋北云藏符於武城紫薇山今無恩縣有西山實培塿耳縣志謂卽紫薇山不足

據

莘縣弁山 九域志冠氏有弁山通志謂在莘縣北四十里今

無通志稱左傳閭邱嬰出弁中卽此按嬰自齊奔魯不能至此且一遇一誰能懼我乃山谷極狹之處縣北平暢之地非是

定陶縣荷山 在故城東北今無館陶志舊有陶山今無於古亦無據

無考之山

轉附 朝儻 孟子齊景公曰吾欲觀於轉附朝儻四書釋地云二山杳不知所在惟趙氏德南宋人有轉附附作鮒屬東萊之說殊無依據妄意二山當在海之東盡頭如成山召石山之類登之可以觀海自臨淄一千三百里抵於海復自海千一百餘里至琅邪凡二千四五百里以春秋之侯封而騁其雄心肆其遠略眞從古所未有余按齊當景公時東境極於姑尤姑尤之外並非齊地景公烏能馳域外之觀乎寰宇記轉鮒在掖縣今縣東境轉山是也此山之東數十里卽大姑河正其時極邊之地沿姑水而南至其入海處稍南則得卽墨之勞山爲齊東

陞山之最大而名勝可觀者古人名山所槩者大轉附或卽姑尤上源掖與招遠一帶之山朝儻或卽勞山乎自朝儻則遵海直南逕放琅邪矣若至成山不惟在姑尤之外且須轉而西行再折而遵海南行方至琅邪文義亦不甚合寰宇記成於宋初所據皆唐代以上之書定有所本閻氏謂說始南宋亦失考也配林 禮記齊將有事於泰山必先有事於配林盧植曰配林小山林麓配泰山者也余謂以上文惡池例之當是山名沂山有小泰山之名或卽配林乎

萊山柞山 春秋左傳辭以無山與之萊柞

具山敖山 春秋左傳先君以獻武廢二山則二山改名久矣

後漢志盧縣有敖山劉昭以爲卽具敖之敖今長清平陰之境無所謂敖山魏志東泰山郡新泰有嶽山寰宇記新泰縣嶽山在東十一里具山在東三十八里與漢志又不同疑皆出附會

山桑谷

漢書五行志河平元年泰山山桑谷有戴焚其巢

天山

東平陵

渠邱山

東阿據三國志程昱傳當在漢縣東

芳陘山

地邱

三山見後漢志

建成山

後漢書公沙穆膠東人居建成山中

勝山

東觀記曰西海有勝山當在今日照縣境

標榆谷

晉書載記慕容法及魏師戰於濟北之標榆谷

根余山

又石勒傳晉青州刺史曹嶷欲徙海中根余山

岫峨山

宋書符瑞志文帝元嘉五年七月丙戌白虎見東莞

莒縣岫峨山

柏谷 又向靖傳留戍嶠嶽進屯石門柏谷當在平陰西南

馬耳谷 又王懿傳進屯靈昌津虜於委粟津度河進逼金墉

虎牢洛陽諸軍相繼奔走到彥之聞二城不守欲焚舟步走懿

曰洛陽既陷則虎牢不能獨全且當入濟至馬耳谷口更詳所

宜乃回軍沿濟南歷城步上焚舟棄甲還至彭城按沿濟南南

字疑是到字之訛蓋沿濟水而行到歷城境舍舟步行也章邱

有馬耳山原山亦名馬耳山皆不濱濟水此馬耳谷當在歷城

長清之閒

雲母山 貞女山

二山梁父 貞女山疑卽泰安之紅山詳雜考怨女城下

野首山 兗州 博平 祝

邱鉅平今泰安東北四十許里有 禺山 桑杜邱二山汝陽任山鉅

金闕山平壽飛鳥峴東魏郡 三總山齊州中水 咸山 祗山二山 魚脊

山不昌邱 日山二山東曲城昌邱疑卽防山承 以上十六

山見魏志

固山 大鄉山 魏書刁雍傳於河濟之間招集流散劉裕遣

將李嵩討之雍斬之於蒙山於是進屯固山又侵裕青州雍敗

保於馬耳山又爲裕青州軍所逼遂入大鄉山按蒙山以南山

多以固稱南北朝時有五固此固山未詳何山近青州馬耳山

卽原山大鄉山當與相近

苑燭山 又食貨志尙書崔亮奏南青州苑燭山齊州商山並

是往昔銅官舊迹見在

太陰山 又靈徵志景明元年齊州山荏縣太陰山崩

靈壽山 又正光元年齊州上言濟南郡靈壽山木連理

韓信山 又釋老志東萊人王道翼隱韓信山

遊仙山 盧汴山 臨胸疑 巨神山 昌陽 寰宇記文登縣昌山

有昌山郡國志云昌陽有巨神島有龍祠能興雲雨崔琰避黃

巾於此山綬按此是兩山本兩條中間少空一格齊乘引此云

昌山有巨神島為不辭矣 大祠山 臨沂 以上四山見隋志

五不及山 隋書董純傳東海賊彭孝才轉入沂水保五不及

山 銀山 蓬萊 奕奕山 乾封 二山見新唐志

聖王山 舊五代史梁楊師厚傳率步騎屯於臨朐而聲音欲東援密州留輜重於臨朐青州王師範果出兵來擊師厚設伏於野追擊至聖王山

采金山 宋史河渠志齊州有采金山史家湖二埽

磨旗山 又叛臣李全傳楊安兒起掠沂密爲金完顏霆所敗單舸走卽墨舟人斬以獻其妹四娘子統眾萬餘掠食磨旗山全以其眾附楊氏

大小峻角子山 金史僕散安貞傳楊安兒餘眾保大小峻角

子山 詳雜考巨蒙塌下

按此餘眾卽楊四娘所統也而山名與宋史不

同或別股歟

灰山 又田琢傳興定三年沂州總領納合六哥破灰山垆沂境以安

芹泉谷 又王英傳益都人所居名芹泉谷

四腳山 元史合刺普華傳嘗以事至益都於四腳山下置廣

興商山二治

弗其山 淮南子汶水出弗其山詳水考

虎窟山 圖經南燕建平中濟南太守胡咨得白兔於穀城虎

窟山按穀城非濟南屬疑濟北之訛也金史蒙古綱傳張林侵

掠東平遣王庭玉討之至舊縣林據嶺爲陣大破之招降虎窟

諸寨舊縣正古穀城地當卽虎窟山之寨約在今東阿南境

剛山 太平御覽引後趙錄石虎遣司農中郎將費霸帥工匠
四千於東平剛山造獵車千乘

岐陽山 元和志稱在豐齊縣東南五十里今或在歷城境

高陘山 又泗水縣下云盜泉出東北高陘山後人惡盜泉而
隱其名並此山亦不可考矣

烏趣山 石阜山 寰宇記文登縣下云西北自黃縣更經烏

趣石阜二山之閒又東經縣理東達於海烏趣疑卽今昆崙山

又作姑餘山者

不言蓬萊牟平此條必齊隋閒之書

夜唐山 九域志掖縣有夜唐山

金志掖有掖居水卽今掖水此誤作山名耳作居作唐則

未知孰是又安期山

萊蕪鬱蔥山平陰並見九域志

近志失載古名之山

居上山 漢志睡縣下云居上山聲洋丹水所出按居上確是山名聲洋水今清洋水發源棲霞縣東之靈山迤東與鉅齒山接脈疑古統名居上山或曰上當作止居止音轉爲鉅齒耳

陽邱山 又曲成縣下云陽邱山治水所出按卽今招遠縣北

蹲犬山也

詳水考

蹲犬之名見於三齊記名亦古矣王念孫以陽

邱爲掖縣之馬鞍山馬鞍山在掖東南古縱爲曲成地然是尤水所出非姑水所出治字爲姑字形訛甚明也

天室山 又卽墨縣有天室山祠今平度北五十里天柱山也

斧山一作岳山

魏書崔挺傳光州治舊掖城西北數里有斧

山峯嶺高峻北臨滄海南望岱岳一邦遊觀之地也挺於頂上營觀宇按卽今福山祿山也福卽斧之訛古本一山耳隋志掖有岳山卽此一統志知爲斧山仍不知卽隋之岳山

虞邱山 又靈徵志太和十九年光州地震東萊之牟平虞邱山陷五所一處有水卽今蓬萊縣南七十里之邱山也

馬嶺山 卽蓬萊縣馬鞍山詳沿革

開明山 隋志顓臾縣有開明山卽今費縣西北聰山也

韶山 今萊蕪縣東北之杓山詳沿革

障山 今蒙陰縣東之長山詳沿革

盲山 唐書崔宏禮傳改天平節度使徐泗王智興檄兗海鄆

曹潘青當徐道者出車五千乘轉粟饋軍宏禮度道遠乃自充
開盲山故渠自黃隊抵青邱師人大濟按所開卽桓公河盲山
卽嘉祥之萌山見水考

舊說有誤之山

華不注山 一統志謂卽靡笄山按左傳壬申至靡笄之下癸
酉陳於鞏敗齊逐之三周華不注靡笄在華不注南明矣前錄
以爲卽歷山最當齊乘以華不注爲金輿山非是

琨瑞山 魏書釋老志稱泰山琨瑞谷水經注玉水導源朗公
谷舊名琨瑞溪水亦謂之琨瑞水其水西北逕玉符山元和志
歷城縣神通寺在縣東當作東南七十里琨瑞山中魏書奉高有玉

符山隋志博城有玉符山齊乘疑爲歷城縣西南之方山近是又疑爲長清縣之靈巖山其山非玉水所逕非玉符山甚明然並未以靈巖爲琨瑞山也近世長清李興祖撰靈巖志竟以爲方山又卽以爲琨瑞山以中川水爲玉水據于氏疑似不定之說踵焉而甚其誤反力攻酈注盡繆於往籍而不顧余謂靈巖未必非朗公遺蹟逕以爲琨瑞山則失之遠矣

危山 在章邱縣西南四十里詳沿革齊乘稱在縣東北五里誤看寰宇記文以亭山廢縣爲章邱也 又東平州東龍山近志謂卽汶水所逕之危山與水經注不合詳水道考

荏山 漢志荏縣下應劭曰荏山在東北當在今長清張夏鎮

東北長清迤西南抵古黃河皆茌山下之平地故以茌平名縣
近志謂茌山在今茌平城內紀要謂在今茌平西二十里皆繆
茌从艸从在俗作茌非是

梁父山 在泰安縣東南徂徠山東唐書房元齡議奏梁父山
在泰山東南七十里紀要稱在泰安州東百十里蓋本與徂徠
山接後世統名徂徠山而以隋梁父縣北一小山爲梁父非也

互詳沿革

牟山 在福山縣西北近志謂在寧海州非是詳沿革

昌山 在文登縣西近志謂在萊陽通志謂在海陽縣西八十
里非是詳沿革

廬山 在寧海州東二十里寰宇記齊乘並稱此山北海百
里實十許里耳蓋傳寫之訛

斥山 在榮成縣寰宇記文登縣斥山爾雅東北之美有斥山
之文皮焉按此山並無文皮之產爾雅所指似在遼東

鳧山 元和志稱在鄒縣東南三十八里宋史顏太初傳所居
在鳧繹之間繹山在鄒縣東南二十里鳧山當又在其東南齊
乘稱在鄒縣西南五十里乃古承注山以上有伏羲廟訛伏爲
鳧耳詳魚臺沿革嶧縣北亦有鳧山

冠石山 費縣武水發源冠石山魏志南城有關石山卽此山

漢志以治水所出之聰山當之而係之南武陽誤也

詳水考 近志

載朝城亦有冠石山蓋濕水亦名武水濕出東武陽故云然耳
臨樂山 漢書景祐本作臨樂子山今本作臨樂于山皆誤詳
水考洙水下

金鄉山 在嘉祥縣近志謂在鉅野或金鄉者皆誤詳沿革

高平山 在魚臺極東北與濟寧州鄒縣接界處

存疑

東弁山 古今注永元四年東萊東弁山野蠶成繭疑東牟訛

云云山 泰安新泰蒙陰皆有之未詳孰爲禪云云者

刀梁山 新唐志壽張有刀梁山當卽梁山未知是否

牙山 在鄒縣東南十二里元史嚴忠謫傳云攻鄒之嶧山勝

之牙山或金時屬滕歟

漢志博縣下云有泰山廟岱山在西北來山上按來山上三字百思不得其解此景祐本也汲古閣本作求上山

附論

緡山 近志稱在臨朐縣東十五里水經注稱丹山在朱虛東北朱虛故城在縣東南六十里而白狼水兩丹水漪水皆謂出自丹山是今昌樂縣南臨朐東北大抵皆古丹山後世名析愈多遂以其西麓一峯當之耳丹山或訛凡又訛丸訛几紀音同几故又作紀山

沂山 元和志沂山在沂水縣北一百九十里九十二字衍文

沂水發源於蒙陰縣北百餘里之臨樂等山蓋自彼至此古皆沂山也或曰此東泰山後人誤以爲沂山不知東泰山正沂山之異名後人分爲二耳

蒙山 元和志以蒙與東蒙爲二山余謂蒙在魯東故曰東蒙顓臾爲東蒙主豈惟主東蒙不主蒙山耶必不然矣今又分爲東蒙雲蒙龜蒙三山惟齊乘以爲龜蒙二山最當魯頌云奄有龜蒙遂荒大東自同是魯東境之山夫子望魯龜山蔽之山之高大可知今所謂龜蒙頂者峯極高峻形正如龜在蒙陰之極西南當是龜山在蒙陰之南與東南者爲蒙山合言之則曰東山分言之則曰龜蒙後人因龜山與蒙山相接以爲蒙山西麓

而稱之曰龜蒙頂遂使魯境有蒙山而無龜山矣若龜陰之田其山或是泰山南一小阜與龜蒙無涉

亢父山 古人稱亢父之險今無知此山所在者余謂嘉祥九十九山古皆亢父山也古鉅野澤縱廣四五百里在其北河水孟諸豐泡諸澤在其南不能不取道於此後世諸澤皆涸處處可方軌而行無知亢父之險者矣互詳沿革

巫山 左傳齊靈公登巫山以望晉師今肥城東北六十里孝堂山也按漢志齊襄公淫亂姑姊妹不嫁於是令國中民家長女不得嫁名曰巫兒爲家主祠齊乘云平陰廣里有巫兒山豈以主祠女得名耶余謂宋玉賦神女固文人寓言然蜀地巫山

與高唐風馬牛不相及巫兒山地近高唐所謂神女必其時因
巫兒主祠世俗繆爲附會則巫山神女正非無端捏飾戰國之
末楚已滅魯平陰一帶正楚齊連界處故玉得聞其說幸郭巨
葬母洗此穢名而十二峯遂蒙其垢

續山東考古錄卷之二十九

滄州葉圭綬子佩甫述

水考上

此卷專考水經注山東境內水道凡古有今絕或水道移徙或經注有誤他書稱引有誤者或通考或攷考餘不遍及禹貢雖指所引經注不分茲仿其例以便觀者經注有異辭仍分書經注原文大書他書居中細書鄙說旁書已見沿革者不復贅其零星稱引者不論

漳水故道

此禹河故道也故以居首

自直隸肥鄉縣列人故城西又東北入山東運館陶縣西北境又東北逕平恩縣故城西後改

東又北逕今邱縣城西東北逕南曲縣故城西又東北入直隸曲周縣境

大河故道

此周定王五年初徙之道漢人稱貝邱川以為禹蹟者誤也王莽時空又名王莽河

自直隸元氏縣沙邱東北逕館陶縣東四里冠氏縣北十八里

見元和志又東北逕發干縣北城西似有南二城又屈逕其北觀去館陶冠氏里數

河逕發干之西與北不能直至城下也禹貢維指圖河逕發干城下而冠氏故城遂在館陶南幾百里矣甚不合其圖如此者

不少不見寰宇記又東北逕貝邱縣故

城南又東逕甘陵縣故城南又東逕艾亭城南又東逕平晉城

卽隋清平縣城南十八里漢博平縣北十八里並見寰宇記又東逕今清平縣

南漢書溝洫志宣帝地節中光祿大夫郭昌使行河北曲三

所水流之勢皆邪直貝邱縣恐水盛隄防不能禁迺各更穿渠

直東經東郡界中不令北曲渠通利百姓安之據此知逕貝邱

以後又東云卽改而直東之道孟康注禹醜二渠一渠卽出

貝邱西南南折者禹貢錐指引作西南二折以爲當作三折按

三字訛作二傳寫者又誤作南之重字耳志又云郭昌穿直渠

後三歲河水更徙第二曲間北可六里復南合元帝永光五年

清河都尉馮遂奏今其曲勢復邪直貝邱百姓寒心宜復穿渠

東行不豫修治北決病四五郡南決病十餘郡遣許商行視以

爲可且勿浚後三歲河果決於館陶及東郡按郭昌開直渠後河雖復決而經注所載貝邱以後但書東逕某某故知仍郭昌所開矣又東北逕靈縣故城南別出爲鳴犢河又東北逕高唐東

十七里見寰宇記今高唐州夾灘河是又東當作東北逕平原縣故城西今平原蒲河是北

絕屯氏三瀆又北逕今平原縣西五里見元和志又北逕今恩縣東逕繹幕

縣故城北西逕爾縣故城西今德州老黃河是又北逕隋長河縣東五

里又北逕隋將陵縣西十里並見元和志自此出山東境

屯氏河故道 鳴犢河故道

首受大河故瀆又東北逕館陶縣故城東元和志屯氏河在館陶縣西二里與此不

於元城沙邱堰合疑唐縣非洪洽也詳沿革志又稱永濟渠卽屯氏河在縣西

十里又言永濟渠爲白溝蓋或出或入不能專行一渠也在縣西二里者是古道在西十里者爲現行之渠必其上流爲屯氏河故道故云然耳又東北分爲別河寰宇

記臨清縣屯氏河在西十五里未詳其地已分別河否 又東逕甘陵之信鄉縣故城南又

東逕甘陵縣故城北寰宇記夏津縣北有屯氏河按下即逕靈縣北當在今夏津高唐之間如逕夏津北

下即當直逕鄒縣不能南逕靈縣北也在夏津北者疑是屯別瀆 又東逕靈縣北今高唐北 又東北

逕鄒縣與鳴犢河合 鳴犢河自靈縣故城南首受大河 東北逕靈縣東東

入鄒縣而北合屯氏瀆以下屯氏鳴犢通稱 又東逕鄒縣城北東北合大

河故瀆謂之口今恩縣南馬頰河又名津期河東北入平原境合蒲河處即古鳴犢口也漢志屯氏河至章武

入海與水經注互異或以屯氏合大河經流經流通稱屯氏河歟 十三州志曰鳴犢河至修入

屯氏考瀆則不至也禹貢錐指圖鳴犢河絕屯氏河西北至修合清河與十三州志水經注皆不合未詳

所據 劉向新序趙簡子謂其相曰趙有犢犢晉有鐸鳴魯有

孔某吾殺三人者天下可王也使人召孔子孔子至河聞已殺

犢犢鐸鳴臨河而返按此事甚不經簡子晉賢大夫何至欲殺

聖賢以圖王其時三家未分晉無晉起並稱之理則亦好事者

爲之耳。雙鳴本是二人國語。寶華對簡子戰國策作鳴。寶華通鑑外紀作殺。鳴。寶華古今人表二人列中。上先鳴。寶華寶華諸葛豐傳師古注曰。鐸。寶華其聲相近。故有同史記作寶。寶華之死以二人爲一人。漢書師古注引史記作寶。寶華可。知。古。本。原。不。誤。今。本。乃。後。人。妄。改。之。耳。水。經。注。河。水。篇。載。是。事。於。四。瀆。津。後。後。人。多。議。之。蓋。未。達。作。者。之。意。也。濟。水。自。滎。瀆。枯。絕。不。復。分。流。至。四。瀆。津。始。分。河。入。濟。渠。自。合。流。至。此。千。數。百。里。二。水。亂。流。儼。同。江。漢。孔。子。所。臨。者。河。水。而。歌。稱。狄。水。湯。湯。狄。水。濟。之。別。名。也。道。元。引。之。於。河。分。水。入。濟。之。處。以。證。河。濟。可。通。稱。見。河。水。中。有。濟。水。耳。並。非。謂。孔。子。適。晉。於。彼。渡。河。也。近。志。因。鳴。犢。河。名。又。附。會。其。事。於。博。平。於。鳴。犢。河。口。指。爲。孔。子。還。轍。處。不。知。自。衛。適。晉。何。以。至。此。且。晉。殺。賢。人。而。齊。以。名。地。有。是。理。耶。

屯氏別河故道

屯氏別河

南北

瀆故道

白鹿淵

首受屯氏河處今不能

確指約在館陶臨清間

東北逕信城縣張甲河出焉

河蓋其首受屯氏別河處當在今臨

清州西北稍北入直隸廣宗縣境

北逕清河郡南

此曹魏郡城非漢郡

又東北逕清河故城西

此漢清河侯城並詳清平

又東北逕繹幕縣南分爲二瀆今恩縣南北瀆東逕繹幕縣故城

南東絕大河故瀆又東北逕平原枝津北出至安陵縣遂絕此

津今無考一統志誤引此句於大河故瀆下北瀆又東逕重平縣故城南又東逕今

德平以西馬頰河是以東今合南瀆北瀆無考又東北逕重合縣故城南入今樂陵境又東

北逕定縣故城南樂陵之鉤盤河環城而東北出其故道又東入陽信縣今無水

名咸河陽信縣志以今縣南枯渠爲咸河非是又誤作成河東北逕陽信縣故城北今海豐縣

北有盤河村無棣溝支津逕高城南又東北於鹽山東北入海今海豐北有無棣溝未詳即故道否附識於此備考東

注於海南瀆自平原東絕大河故瀆亦通謂之篤馬河逕平

原縣故城北東北枝津又出東北至安德縣界東會商河此枝津今

無考南瀆於平原界又有枝渠石出至安德縣疑陵縣德水是南瀆東北

北

運安德縣故城西

禹貢錐指圖誤以為今陵縣治詳陵縣

又東北逕臨齊城南

今

縣

治又屈逕其東又東北逕重邱縣故城西

今神頭鎮自今平原縣南至此今鴻溝合

趙玉河東北至陵縣合兩津河是

又東北逕西平昌縣故城北東入般縣為般

河蓋亦九河之一道也又東為白鹿淵南北三百步東西千餘

步深三丈餘其水冬清夏濁渟而不流若夏水洪汎水深五丈

乃通注般瀆

今德平縣東二十許里有一泊水恆不涸當即白鹿淵也

又逕般縣故城北

德平

境內馬

頰河是東逕樂陵縣故城北

樂陵境內徒駭河是

又東逕唐陽信縣西北

四十里

見元和志

又東北逕陽信縣故城南

樂陵之徒駭河又東合北瀆為一渠逕海豐之

陽信故城北陽信故城南今猶有古堤則南瀆之所經也

東北入海

屯氏別河枝津故道

首受別河處今不能確指約在今臨清境東逕信成城南信成故城在唐清河縣西北十二里見寰宇記禹貢

錐指圖位置於清淵縣故城西南五六十里誤又東逕清陽縣故城南清河郡北曹魏郡

又東北逕陵鄉南又東北逕東武城縣故城南又東北三十里逕

東陽縣故城南又東散絕無復津逕今武城夏津臨清東北境之衛河約略是其故道

河水故道此西漢末至宋初河道

自直隸開州東逕後魏臨黃縣南三十六里見元和志又東逕野城

縣北十八里元和志作二十一里河北有衛新臺考此渠古

為盧津關又名高陵津寰宇記稱在臨黃縣東南三十五里又東北逕范縣秦亭西又

東北為委粟津寰宇記稱在觀城縣東南六十七里河北即東武陽縣潔水出焉

將渠亦出於此又東逕東武陽縣東即唐朝城縣東二十九里見元和志又

卽今壽張縣西
之沙河其故道
范縣西爲倉亭津
今陽穀縣西

又歷柯澤
今陽穀縣西
之黑龍潭聊城之蓮
花泓鵝鴨陂皆是
運隋武水縣南二十里
見元和志
鄧里渠出此
運東

阿縣故城西卽運隋陽穀縣北十二里
見元和志
東北運昌鄉亭北

碣磈城西
卽漢荏平縣城
又逕其北一里爲碣磈津
見元和志
卽後魏聊

城縣南四十三里
見元和志
今之
又東逕平陰縣北十里
見

字爲四瀆津
河於此分流入濟瀆共行九里由濟可達淮由淮
可達江故名又名四口關元和志稱在長清縣西

南五十里聊城縣東南八十里
寰宇記謂在聊城東南五十里
疑有誤
齊書武成紀河清二年齊州言濟河水口見八龍升

天卽四瀆津也
又東北故城東在此
運荏平縣城東
此城又稱時平

又北逕隋長清縣北
西北非
五十五里
見元和志
又東北過高唐縣

界漯水注之
卽絕漯而北也
今禹城縣趙牛河及趙
半岔河是其絕漯處今有顯濕橋可證
又東北

逕楊墟縣東商河出焉又東北逕高唐縣故城西即逕高齊高

唐縣東四十五里見元和志又北逕張公城東又北逕平原縣故城

東逕逕平原東南境即逕今平原縣南五十里見元和志右溢為甘

棗溝又東北逕阿陽縣故城西又北逕今禹城又東北過漯陰

縣逕逕其北境也即逕安德縣城東商河逕安德城東河亦

隋安德縣今陵南八十里見寰宇記元和志倒作十八里為鹿角津在安德縣

五里又在臨邑縣西北七十里見元和志唐臨邑在今濟南府

北六十里則鹿角津當在今臨邑西南近志誤以陵縣為漢安

德又誤以今臨邑為唐縣逕謂鹿角津在今臨邑北繆甚東北逕般縣樂陵柸鄉厭次南即

劉宋僑臨邑縣北七十里見元和志隋商河縣南十八里見寰宇記

作入隋臨濟縣北八十里漢鄒平縣北八十里隋厭次縣南三

十里

里並見元和志又卽今臨邑南商河南濟陽北惠民南也禹城

卽其故道其逕漢般樂陵枋厥次四縣皆第逕其南境並非至

其城下蓋商河在河北已不能皆至諸縣城下況河又在其南

乎爲厥次河句似當作津經文此下有又逕潔陰縣故城北

之西南境河已至厥次則至今惠民南安得又逕潔陰北乎疑

上文重出否則潔沃之訛也注文亦未辨及之禹貢雖指反刪

去上文過潔陰縣北句而存此句並稱潔陰城當在今青城境

甚繆其圖又以此爲潔陽城考潔陽城在劉宋臨邑西北五十

里安得又東北爲潔沃津州南潔沃縣故城南此句是注文蓋

縣城也又東北逕千乘北城北千乘城在今高苑北二十五里今

蒲臺北之大清又東北逕蓼城縣北今本訛蓼作黎禹貢雖分

河似其故渠矣又東北逕蓼城縣北指竟改作利城縣大統分

爲二水經流東北過甲下邑濟水從西來注之故城當在今利

謂卽大枝津東逕甲下城南經流當東南歷馬常坑注濟無考

縣城惟著縣差近餘皆去甚遠者禹貢雖指不詳考故道所在但
 縣城某方其實有相去甚遠者禹貢雖指不詳考故道所在但
 據書作圖鮮不誤矣自西漢末至朱初大河皆行此道然亦
 小有改移元和志黃河在渤海縣西北無棣縣東南各六十里
 禹貢錐指以爲唐景福改流之道又寰宇記蒲臺下云黃河西
 南去縣七十里亦指改流言今惠民縣北支逕商河北樂陵
 信界陽信志以爲咸河也朱初唐馬頰河分支逕商河北樂陵
 南厭次南陽信南與改流道合蓋唐馬頰河下流合屯別南瀆
 故此亦得鉤盤之名今又名贊河又東北入霑化界名舊黃河
 入海卽其故道其改流之處古無明文當在今商河惠民境矣
 禹貢錐指圖改流處在厭次東南考唐棣州本隸河北道見胡
 和志而唐志則隸河南道此改流後棣州城在河南之明證胡
 氏當亦臆度耳元和志安德縣南八里有鬲津河蓋卽水經
 城之土河通稱徒駭河惟禹城境內名鬲津乃角津之訛寔
 注所謂過濼陰縣安德縣爲鹿角津一段鬲津乃角津之訛寔
 字記臨邑南二十里有古黃河是唐及宋初已稍移而南矣記
 又稱黃河在禹城縣南七十里東北入臨邑界與水經注迺不
 符而今趙牛河自禹城南東北流入濟陽西臨邑南與土河合
 順似其故道與元和志在高唐東四十五里平原南五十里之

形勢亦不符則又唐末或五代時改流也

汧水

首受榮瀆於河南原武中牟二縣間名蘓蕩渠葭一

水又名浚儀渠東至考城名苗獲渠後人避反字改作汧漢平帝時大河會行此渠六十餘年後漢明帝時王景治之河汧復分河復故道汧渠隋名通濟渠唐名廣濟渠元初河自過渠復改由汧明築黃陵岡涓滴不復北流汧遂獨受大河矣自考城又東逕山東曹縣南四十里又東至江南豐縣界出山東境卽水經注自貫城南至下邑北之道也迄今不改

漂故道

黃溝故道

自今范縣城東北古東武陽東南首受大河西北逕東武陽新城東唐朝城縣城東

十步

見元和志

東逕東武陽縣故城南逕岡城南逕陽平縣故城東

又北絕莘道又東北逕樂平縣故城東

又北逕今堂邑縣東

又北逕聊城

縣故城南

今聊城縣北

又東北

絕今運渠何代

清河縣故城北

即蠻城

東北逕文鄉城東南又東北逕博平縣南

右合黃溝黃溝承聊

城郭水東北逕清河城南又東北逕聶城北又東逕文鄉城又

東南逕王城北

即後魏迄唐聊城縣治

又東北左與潔水隱覆勢鎮河陸

東出於高唐縣大河右迤東注潔水

河絕潔而北潔絕河而東今禹城縣西南六十里有

顯灑橋即河潔交流處橋跨枯渠自西來長六七十里自此橋下東台趙牛岔河土人猶名爲潔河灑即古潔字潔水道蹟此

外惟朝城小河約略是之餘了無存者矣潔水又東北逕援縣故城西又逕高唐縣

故城東又東北逕潔陰縣故城東

縣名潔陰當在潔南故城在僑臨邑縣西十里臨邑在潔

南潔當逕其西與北逕其東則在潔北矣疑有脫誤

又東逕劉宋僑臨邑縣北七里

見元和志

又歷北潔陰城

在潔陰北五十里又字下無東北字逕潔陰城北即逕北潔陰南也

又東北逕著

縣故城南又東北逕崔氏城北東南逕朝陽縣故城南又東逕

伏生墓南

今齊東南之寄駕冢是在鄒者疑冢也

又東北逕鄒平縣故城北又東

北逕建信縣故城北又東北逕千乘二城閒又東北爲馬常坑

東西八十里南北三十里亂河枝流而入於海河海之饒茲焉

爲最

太平御覽地部四十引述征記曰齊人謂湖曰坑讀書雜志曰坑大澤也其字或作坑或作亢又爲鹽澤之

名或作航凡從亢之字隸或作亢故坑字或作亢一誤而爲沉再誤而爲沈又或誤作坑作元馬常坑當在今樂安縣北南

燕慕容德置鹽官於烏常澤見晉書載記寰宇記作烏常泛余謂卽古馬常汎烏馬音形並近而訛水澤之稱無泛字泛又汎

之說也樂安北有寬闢稍爲小清河所匯王家岡等鹽場皆近其地馬常汎爲河海之最饒古亦鹽澤可知樂氏係烏常汎於

臨淄臨淄無大澤不產鹽其誤甚明齊乘謂卽壽光黑塚泊蓋指一大鹽澤當之而不知卽古馬常汎也居易錄謂烏常澤當

近蒲臺以述征記烏常泛有秦蒲臺之說秦臺在今濱州東不在蒲臺古澤周迴二百餘里則所包者廣矣

浮水故道

上承大河於頓邱縣東逕今直隸清豐縣之衛國縣故城南又東逕河牧城而東北出縣東入河今范縣北河牧城雖列雜考究不知在山東境否故旁書

又東北入東武陽

商河故道

沙溝故道

首受河

於楊墟城東

亦潔水及澤水所潭水也淵而不流世謂之清

水歷澤而出

注文此下有俗謂之落里坑六字是衍文

逕張公城西又北重源潛發

世謂之落里坑亦曰小漳河又北逕平原縣東

第逕其縣東境黃河在商河東

愈不能至其城下

又逕安德縣故城東北逕平昌縣故城南

此前漢平昌城非後

漢西平昌城

逕今商河縣北十五里

見元和志今臨邑之馬頰河商河之沙河是近志誤以爲篤馬

河

又東逕般縣故城南又東逕樂陵縣故城南

皆遙逕其縣南

又東逕

枋縣故城南

此逕城下

沙溝水注之。水南出大河之陽，泉源之不合。

者一百步。其水北流注商河。

此商河在北。大河在南。明證也。馬貢錐指反稱大河在北。商河在南。

豈未見此文耶？今惠

商河又東北

逕今惠民縣南。今稱龍蹤河。元和志謂商河在厭次縣南。

民惠民溝疑其故道。

四十里考大河在唐厭次縣南。僅三里。商河在河北。而逕馬嶺城下。馬嶺城在唐厭次縣北。數十里。商河斷不能在唐厭次縣南。四十里。或是在北去縣四十里。

逕馬嶺城西北而流。當是逕

不諳元和志書法者傳寫誤也。

馬嶺城

西而屈而東。注南轉逕城東。城在河曲之中。又東逕富平縣故

城北。又北分爲二水。南水曰長聚。一作溝。水南有蒲臺。在今濱州東北十里。齊乘濱

州北有士傷河。卽商河南水也。疑因久涸稱死商河耳。今與土河爲一渠。北水曰白薄溝。疑霑化東

北入海。

甘棗溝故道

甘棗溝故道

甘棗溝故道

甘棗溝故道

甘棗溝故道

甘棗溝故道

甘棗溝故道

甘棗溝故道

甘棗溝故道

甘棗溝故道

自古平原縣東南大河東北歷長堤循大河南堤逕潔陰縣北東逕

著城北東為陂淀淵潭相接世謂之穢野薄今禹城至濟陽之土河即其故道濟

陽多窪潦即相接陂淀淵潭也有巨泊曰淮里窪即穢野薄矣一統志謂在今臨邑北繆大河在甘棗溝北唐中葉以後稍徙而南即行此渠故今土河形勢反大於小支河也近以土河為潔渠非是

於小支河也近以土河為潔渠非是

瓠子河故道

自濮陽故城北首受大河東逕臨濮縣北二十一里見寰宇記東至句

陽縣為新溝又東逕成陽城北都關縣之羊里亭南為羊里水又東

合濮枝渠 濮枝渠自鉏邱城南浚城南又東逕句陽縣西句瀆出焉又

東北逕小城陽城東垂亭西北入瓠河今濮州東無名河是瓠河又東逕

垂亭北又東北逕雷澤北廩邱縣之羊角城南邨都縣城南又東逕

黎縣故城南又東逕嵇縣故城南又東逕鄆城南今鄆城南之老黃河是

又北過范縣東與濟濮枝渠合 濮濟枝渠上承濟瀆於乘氏

縣當在今鉅野乘氏故城西濮合濟水處 北逕范縣左納瓠瀆又北與將渠合

將渠受河於范縣西北今范縣東南逕秦亭西里之范縣故城也

又東南逕范縣故城南今壽張范城橋南之趙王河是其西則非將渠首受河處兗州府志壽張縣圖

古沙河有枝渠東南出其遺蹟又東會濟渠自下通謂之將渠北逕范城東俗

又謂之趙溝非也趙溝出於濟枝流之馬頰渠或又分流與將渠合得通稱歟 又東北過東

阿縣與將渠枝瀆合 將渠枝瀆上承將渠於范縣東北又東

北逕東阿城南而東入瓠河瓠河又東北過臨邑縣西與鄧里

渠合 鄧里渠上承大河於東阿縣西東逕東阿縣故城北又

東北逕臨邑縣與將渠合北逕茌平縣東臨邑縣故城西此段兼錄

河水篇鄧里渠鄧里渠所承之大河前漢所無則瓠河本不

合此渠王莽河改流之後始於東阿西分支入瓠瀆故不載此

渠於瓠河而別附之大河篇也若又東北過祝阿縣爲濟渠河

將渠蓋本受潔水後又受河水者

水自四口出爲濟水二瀆合而東注祝阿也以下卽濟瀆篇首注云濮陽縣北

十里卽瓠河口也尙書禹貢雷夏既澤離沮會同爾雅水自河

出爲離許慎曰離者河離水也其意以瓠河口至雷澤爲離水

故道也元和志雷澤縣澤水沮水二源俱出縣西北十四里平

地禹貢錐指從之竊謂二源相去至近其會同卽至易少東南

卽雷澤書雷夏既澤二水之治已在其中兗州之水大於此者

多矣何獨書此二小水二水卽不會同數里可入雷澤又何害

鄭注有云堯陵四周列水水澤通泉泉不耗竭此二小水似卽

此等泉水如早有離沮之名道元不應不載是知後魏時尙無

此名後人以近雷澤附會之耳水非

河濟所出與爾雅顯有不合不可從

以上河之屬

濟水故道

自河南滎澤東流至原武分爲南濟東流至蘭儀縣之
二支流曰北濟經流曰南濟漢濟陽縣故城南又東過
冤句縣南又東過秦相魏冉冢西之安陵又東逕左城南又東

北逕定陶縣故城南東逕陶邱北又東逕今定陶縣城北合荷澤水元和志荷

澤在濟陰縣東北九十里故定陶城東北世謂之五丈溝自荷

其地有荷山故名其澤爲荷澤今無水後代人所鑿自陶邱北

陶邱北古滎瀆也古與滎澤不相通禹後知縣紀洪於城西北

再湧出地始爲古濟道明正德六年定陶知縣紀洪於城西北

掘出一泉勢極洶湧急塞之遂止正出陶邱北之故地也無溝

渠以導之不能使禹跡復顯於世惜哉五丈溝指滎瀆元和
志云魚臺荷水卽濟水一名五丈溝並荷瀆而名之矣宋史河
渠志廣濟河導荷水自開封歷陳留曹濟鄆其廣五丈太祖建
隆二年正月遣使往定陶規度發曹單丁夫數萬浚之眞宗景
德三年內侍趙守倫建議自京東分廣濟河由定陶至徐州入
清河以達江湖漕路尋以水勢極淺罷之仁宗天聖六年閻賂
慶言五丈河下接濟州之合蔡鎮通利梁山泊近者合蔡以下

散漫不通舟楫請治五丈河入夾黃河云云據此是宋之五丈河乃榮瀆與北濟渠或濮濟枝渠故道故由合蔡而通梁山泊今鉅野有老黃河是其故道蓋所分亦河水故俗以黃河名之與唐以南濟為五丈溝者又異趙守倫所奏正荷水故道今城武縣北猶有枯渠名廣濟河通鑑周顯德四年夏四月乙酉詔疏汴水北入五丈河胡注河自都城歷曹濟及鄆舊名五丈河宋開寶六年改名廣濟玉海顯德六年命袁彥浚五丈溝渠東過曹濟梁山泊以通青鄆之漕舊五代史亦在顯德六年蓋五代時北濟故瀆猶未盡北屈左合汜水東至漢乘氏縣西北濟溼塞故可浚以通漕也北屈左合汜水北濟河漢濟陽縣東北又東北逕宛句縣故城北又東北逕呂都縣故城南又東逕今又東北逕定陶縣故城北又東北與濮水會又濟合南濟水又東至乘氏縣西分為二北為濟瀆又北石合

洪水又東北過壽張縣西界安民亭南汶水注之為清口自乘氏西東北流至壽張西所逕無一城蓋逕鉅野澤也今鄆城南有枯渠土人猶名濟河與鉅野之老黃河疑本一渠是其故道禹貢

雖指此圖錯誤尤多甚至位嘉祥於鉅野西位汶上於鉅野正北其不足據可知矣安民亭對安民山清口當視汶上在東北其圖在西南又於汶上西南分清水爲二又北逕梁山東又北一出汶上北一出其南與經注皆不合

逕須句城西自此至歷城縣北卽縣灤口又東北逕華不注

山又東北逕後魏平陵縣卽唐全節北四十里見元志又東過臺縣北

合芹溝水寰宇記長山縣引周志曰十二斤溝卽百脈水齊乘

章邱東芹溝出臺縣南其入濟水向在濟逕營城之前百脈水入濟注文在逕營城後當別一水今涸矣章邱西有白雲湖疑

在其地又東北過管縣南隋臨濟縣南二十里又東逕黃巾固卽

宋高唐西四十里又東逕漢鄒平縣南三十五里並見元志又東

過梁鄒縣北元和志濟在濟陽縣南一里曰八隴水時水支注

之又東北逕長山縣西北三十五里見元志又東北過臨濟縣南

被陽縣北卽高苑縣北八十步

見元和志

又東北過平安縣迤爲淵

渚謂之平州

今新城之會城等泊是齊乘引作平州沈是沈之訛未審所本

又東北逕高昌縣

故城西又東北逕樂安縣故城南隋博昌縣北百步

見元和志

又逕

薄姑城北又東北逕狼牙固又東北過利縣西又東北過甲下

邑南東歷琅槐縣北又東北河水枝津注之又東北入海

章邱以東

卽小清河故道

今水經以大清河爲汶水道不知自戴村築壩盡遏汶出南旺湖濟運今大清河之正源乃東阿狼谿水也

南爲芻水於乘氏縣西合黃溝枝流又東南逕乘氏縣故城

南又東過昌邑縣北

今鉅野縣南柳林河是

又東過金鄉縣南又東逕漢

平狄將軍朱鮪冢又東逕東緡縣故城北

今金鄉縣北三里灣河是

又東過

重鄉城南又東過方與縣北武棠亭北卽唐魚臺縣北十里

見

相志此元和四年以
前魚臺縣卽方輿城

又東逕泥母亭北又東與鉅野黃水合又

東逕秦梁又東過湖陸縣南

禹貢錐指云漢志山陽郡湖陵下禹貢浮於淮泗達於河水在淮河

字係荷字

東入於泗水

漢志乘氏下云泗水東南至睢陵入淮道元非之禹貢錐指謂因下流合泗而

之誤是也誤固是今考其地實濮荷汜濟泗水合流處土人猶
名爲泗河集或古亦有此稱未可知也姑備一說

洪水故道

洪水上承鉅野薛訓渚北逕闕鄉城西又北合濟瀆自渚迄於

北口一百二十里桓温以太和四年率眾北入掘渠通濟自洪

口以上又謂之桓公瀆

元和志任城縣桓公溝源出縣西四十里萌山下又云桓水在中都縣西八十

里按萌山在今嘉祥城內城東有枯渠卽桓水故道道元不言桓瀆源此或唐時行桓公瀆者惟萌山泉也薛訓渚未詳所在

掘泗以通濟自東南而西北也疑先與洪水合由洪口以達濟遂並洪水得桓瀆之名耳

汜水故道 黃溝枝渠故道

汜水西分

南

濟瀆

分流處未能確指

東北逕濟陰郡南城

左

又東北逕定

陶縣南又東北右合黃水枝渠

今定陶縣之南渠河是

黃溝枝流俗謂

之界溝北逕已氏縣

今本誤作元氏

故城西又北逕景山東又北逕楚

邱城西又東北逕成武城西又東北逕郟城東又東北逕梁邱

城西又東北

合汜水

於乘氏城西而北注蒗水

濮水故道 句瀆故道

北濟於今河南封邱縣分爲濮水東至匡城東北與出於酸棗縣大河之濮合又東至直隸長垣縣東又分支津卽入瓠河者或曰卽古沮水也其經流自濮陽故城南又東逕離狐縣故城南此漢離狐城不在狐城猶漢縣又東逕葭密縣故城北今蒗澤縣西北小又東北地故仍大書

逕

今荷澤縣北

鹿城南又東與句瀆合

句瀆首受濮水枝渠

卽入瓠河

之枝

於句陽縣東南逕句陽縣故城南

受濮水當在句陽西南又東始能逕句陽城南

上句東南當作西南

又東入乘氏縣會濮水與濟同入鉅野

汶水故道

自發源至逕奉高

牟汶出牟縣西南流至奉高

汶水又南右

縣見泰安縣沿革

城下注於汶水道不改不錄

汶水又南右

合北汶水出分水谿源與中川

長清中川河

分水東南流逕泰山東

今泮河似當作逕泰山西

合天門下溪水

今漆河

又合環水水出泰山南谿南

歷中下

今訛作階

兩廟閒又屈而東流入於汶水

汶也

又東南流逕

南明堂下

詳泰安沿革南流逕南明堂

北汶逕今泰安府城南又東世謂石

汶水山海經曰環水出泰山東流注於汶卽此水也環水又左

入於汶水

上文已書環水入北汶此當云北汶入汶據所引山海經蓋北汶環水得通稱

汶水又西南

逕徂徠山

又南逕博縣故城東屈從城南西流

今北汶入汶在汶逕博城

之後蓋與環水合

即東南流逕博城西入汶古於汶未逕博城之前入汶則北汶當逕博城北又東至奉高城西南逕漢明堂

下又東合汶當在今故縣莊西南不遠觀注文合牟汶後少南

流即合北汶可見自逕博城至四汶口即今大汶口至戴村

塌之道

不錄又西南自桃鄉縣四分謂之四汶口其左二汶雙流

西南至無鹽之郟鄉南又西南逕平陸縣故城北西逕危山

危山當在平陸故城西北今以

東平州東之龍山當之不合

皆中都縣北二十四里

見元和志又

西合爲一水

今汶上縣北汶河雖元人所導當即左二汶遺蹟

西南入茂都澗即今南旺諸湖

澗水西南出謂之巨野溝

澗本古大野澤地

又西南逕致密城又西南

入桓公河北水西出澗謂之巨良水西南逕致密城北

即古中都城也

其地當在今南旺湖西元和志謂在中都縣西三十九里與此合今汶上北草橋鎮有碑曰古中都邑非是注洪濱

二水故道次一汶云云水皆名曰汶汶凡有五曰北汶巖汶

今無考汶柴汶汶其一則經流也禹貢錐指曰酈注無巖汶巖汶在

汶柴汶汶其一則經流也禹貢錐指曰酈注無巖汶巖汶在

水巖卽酈注北汶州志謂之巖汶五汶之外有小汶巖汶合

汶故酈注不書五汶以小易巖斯為當矣又有水出萊蕪縣

子村流合牟汶者近志指為浯汶據漢志琅邪靈門縣有高

山浯水所出東北入濰說文云水出靈門謂之浯汶合東汶入

濰故有此名在今莒州界與萊蕪縣無涉東汶出朱虛縣小

山北流至濰于縣入濰在今臨朐安邱界南子曰汶出弗其

兩流入濟高誘云弗其山名在朱虛東是卽入濰之東汶言入

注洪濱

汝不得益以小汝也。浯汝近志固謾然出壺山非出高梁山見漢志其水自入澗不合東汝夫出泰山謂之汝東汝出小泰山故亦得汝名有崑山水入之故又稱爲崑汝浯水漢志水經注皆不稱汝如說文說則增一汝矣出弗其之汝本文明言入濟則弗其自是原山或餘四汝所出之異名而高氏誤稱在朱盧東酈氏駁之最是乃胡氏反據之以駁淮南弗思甚矣趙一清五汝考以經流爲贏汝與余說合惟不知成縣故城非洸水所逕之盛鄉城因謂柴汝下流爲大汝所奪水經注柴汝經成城北在經陽關前未之見耶復不知今圖志之梁父城乃隋縣謂水經注柴汝先逕梁父後柴縣爲倒置稽考未審動謂古人爲誤大不可也惟酈注敘柴汝自梁父東起其上流出自新秦者略之不書趙氏因謂新秦之羊流河是柴汝正源其地正在梁父東與酈注合漢書郊祀志作明堂於汶上顏注稱汶水出朱盧已繆後漢書章紀祀五帝于汶上明堂注云汶水出太山水非出朱盧萊蕪是縣名非山名眞繆之繆矣

馬頰渠故道 趙溝故道

濟水逕微鄉東又北分爲二水其枝津西北出謂之馬頰水北

歷安氏山北又西趙溝出焉東北於須昌縣注濟馬頰水又逕

桃城東

今東阿陶城鋪

又東逕魚山南又東

於今東阿縣城西北

注濟謂之馬頰

口

今東阿縣運渠以東水道未改仍稱馬頰河以西不可考

唐乾寧三年朱全忠遣龐師古伐鄆敗鄆兵於馬頰卽此通

鑑胡注以爲九河之一甚誤晉五代史梁貞明四年晉王率師

次楊劉口遂軍於麻家渡新史范延光傳唐莊宗築壘馬家口

以通汶陽皆卽此馬頰水也九域志鄆城有洮溝卽趙溝金

史則謂之馬頰河蓋趙溝出於馬頰而鄆城之趙溝乃故將渠

非馬家水所分俗旣稱爲趙溝因以馬頰名之耳

中川水 漢賓谷水

中川水出山茌縣之分水嶺西北流逕太原郡南郡治山茌縣

西北與漢賓谷水合水南出隔馬山漢賓谿北逕盧縣故城北

陳敦成南西北流與中川水合謂之格馬口其水又北逕盧縣

故城東而北流入濟俗謂之沙溝水

中川水今長清縣之北沙河漢賓谷水長清之南沙

河也二水今分入大清河不復合流疑水道改矣漢賓谷水

所未詳矣宋書顏師伯傳世祖遣龐孟蚪赴討師伯遣苻思

達等合力行達沙溝卽二水上地名矣山河兩戒考引作賓

谷水以爲古國邑名春秋周大夫賓孟舊所食邑附會無據

長清縣志以中川爲玉符水以南沙河爲中川蓋以靈巖爲玉

符山不得

不爾也

聽水故道

灤水北出郭歷城滙波門又北聽水出焉東北流注巨合水

開小清河引灤水由此道也入章邱境始爲古濟渠或誤以歷

城西之響河當之縣志已辨其誤今灤口大清河南岸灤水

上有橋焉立石其旁曰聽水橋其地已近灤入濟處聽水

分灤似在其南且橋跨灤水經流尤不得以聽水名也

楊緒溝水故道

逕章邱城東以前水道不改又北逕甯城○今本脫此字西而北流往於濟今章邱縣之額
河也今改從甯城東流又東北
行小清渠爲小清河正源矣

籠水故道

逕於陵縣故城又西北逕梁鄒縣故城南又北屈逕其城西北

以前水道不改今孝婦河自長山縣西折而東北至新城縣東北合小清河

注濟北至新城縣東北合小清河
時水枝津故道德會水 五里泉

時水逕西安縣石洋堰分爲二水枝津西流德會水注之水出

昌國縣黃山今淄川縣東北巒山西北流逕昌國縣故城南又北五里泉

水出縣南黃阜北流逕城西北注之德會水又西北世謂之滄

浪溝又北流注時水淄川縣志德會水卽今豐水源出縣東北三十五里范王莊南名泉河頭又呼爲朱

龍河長山縣志鄭黃溝源出淄川豐水鎮又邑人李廷槐長邑
山川脈絡說云邑龍自益都離金山層岡跌落岡西之水悉注
漫泗河岡東之水悉入鄭黃溝北流邑龍連岡斷阜歷王墳莊
南北驛臺至豐水南平地開源爲德會水北逕昌國城東復西
北流名朱龍河據此是鄭黃溝非即德會水矣意者所謂平地
開源者乃五里泉水而鄭黃溝即德會水蓋巒山相傳爲鄭康
成讀書處鄭黃爲德會之別名也但鄭黃溝逕昌國城東折而
西北不逕昌國城南李氏稱平地開源之水逕昌國城東亦與
五里泉逕城西不合或水道改也今時水支津時水又西逕東
既涸絕德會西北逕新城東又東北入籠水

高苑城又西蓋野溝水注之

互詳新城縣沿革

又西逕

今新城縣城南

西高苑

縣故城南西北至梁鄒城入沛

九域志鄒平有系河即乾時水也今新城縣南有杜渠名烏河

或訛作吳作梧其故道也又西北今無遺蹟蓋
籠水改而東北流縱乾時有水亦不能入濟矣

黃水故道

上承鉅野諸陂澤有濠澗育陂黃湖水東流謂之黃水又有髀

訓渚水自渚歷僻村前分爲二水一水東注黃水一水西北入

澤卽洪水也黃水東南流水南有李剛墓又東逕鉅野縣北非此

漢城詳沿革又東逕咸亭北水南有金鄉山鉅野縣之東界也又東南

逕亢父縣故城西其中謂之桓公溝南至方與縣入於荷水今

野縣北有蓮花石碑稽稻諸泊當卽此所謂諸陂澤也滙水東南流逕嘉祥縣南名長澹河卽黃水故道惟今逕亢父城東略異耳其中謂之桓公溝者黃水內有桓河一段也今嘉祥城東有枯渠與長澹河通卽桓澗

以上濟之屬

洙水 泗水 朱支津故道 洸水

洙水出泰山蓋縣臨樂山注云地理志曰臨樂山洙水所出西北

至蓋入泗或作池字蓋字誤也洙水自山西北逕蓋縣通志蓋城在沂

水西北八十里距卞縣不下三百里重山相闕無由達此今洙
水出泗水縣東北關山乃費縣蒙山之麓費北境有漢華縣故
址竊意蓋字乃華字之訛也余謂水經實本志臨樂山本在
蓋縣西北又何說以通之乎自臨樂山至蓋是東南乃反云西
北班志水道誤處正多不必強爲之解特酈氏亦仍其誤不可
解耳○讀書雜誌曰漢志泰山郡蓋臨樂子山洙水所出西北
至蓋入泗念孫按臨樂子山字涉上注肥子國而衍自景祐
本以下皆作子毛本又訛作于臨樂山在今蒙陰縣東北洙水
與沂水同出至蓋當作卞此涉正文蓋縣而誤旣言洙水出
蓋則不得又言至蓋且水經與注並言洙至卞入泗卞有泗而
蓋無泗又不得言至蓋入泗也今本水經注引地理志作至蓋
此後人以誤本漢志改之今之洙水乃在曲阜縣北上源旣不
遠而下流入沂不入泗與漢志水經故道迴殊緩按水經注
引至蓋之文而無辨語以爲後人所改得之今之洙水自發關
山如王氏說似洙水眞出臨樂山矣曲阜北洙水乃俗之所謂
洙水非眞洙水王氏似不知別有眞洙水也改作卞上文西
北字仍不可解卽改作西南至卞洙水並不出臨樂山不知更
何辭以解之臨樂子山字景祐本與上文蛇邱縣下齊人殲
子隧之子字隔一行相比所隔之行且不相比無由涉之當是
子字後訛子字與肥子字又隔一行且不相比無由涉之當是

誤也又西逕泰山東平陽縣今新泰縣南西南至卞縣入於泗 泗水

出魯卞縣北山注云水出卞縣故城東南桃墟西北墟有澤方一

十五里御覽引作墟有漏澤澤西際阜俗謂之媯亭山今歷山在費縣西北百二十里阜

側有三石穴廣圓三四尺穴有通否水有盈漏數夕之中御覽引作

漏則數夕之中則傾陂竭澤矣今漏澤湖也在費縣西北百三十里元和志稱在泗水縣東南七十里今猶兩

縣界上也俗曰雷澤齊乘云將漏之夕聲聞數里今泗自此連岡通阜西北四十許里岡

之西際便爲泗水之源也博物志曰泗出陪尾蓋斯阜者矣石

穴吐水五泉俱導水源南側有一廟時則謂之原泉廟今泉林寺自漏

澤湖至此皆在卞城東南而經文謂之卞縣北山似誤以洙原爲泗原也○泗水縣共七十九泉滙爲泗水注云五泉俱導指

今泉林寺中者然與名泗之義不合考縣東諸泉共分四支寺中者爲一支合流於卞城東又西北則激雪等泉一支入之又

西黃陰諸泉匯為黃陰河一支入之又西至縣城東北珍珠等
泉匯為濟河一支入之縣志云其水四源並發至城北八里始
合為一河之得名以此此皆南岸諸泉北岸小西運其縣故城
泉入之者尚多不之計者陪尾山在縣東南也
南今改運南有姑蔑城西運部城北會洙水又西運酒又西南
下城北

至魯縣東北十七里又分爲二水側有一城南爲泗水洙泗

之閒卽夫子領徒之所闢里背洙泗牆南北一百二十步東西

六十步因學紀聞引與此同闢百詩曰以正義引伍緝之從征

背洙而洙下文云北門去洙水百步則南臨泗水可知又闢氏

謂孔子時無闢里漢魯恭王徙魯於孔子所居之里造宮室有

雙闕因名闢里若然則漢時魯城已徙洙泗之間與水經注顯

不合余謂闢里在洙南泗北聖墓亦在二水閒而夫子宅自在

魯城內孔子時有闢黨必北門去洙水百步餘水南有夫子塚

謂古無闢里亦未足據

泗自城北南運魯城西合沂水沂水道今如故又西過瑕邱縣東又南

過平陽縣西南逕漆鄉城西又南過高平山西又南逕高平縣

故城西洸水從北來東南注之洙水也又南過方與縣東荷水

於湖陵縣西六十里穀庭城南注之俗謂之黃水口又屈東南

逕郟鑿城北又東逕湖陵城東南通志引作湖陵東城南按注

陵云云乃注經文非有兩湖陵城也左會南梁水洧當作涓水

志又云東城在湖陵城東不遠誤據注文移此○經文係

道不改○寰宇記係又東南鄆水注之瑕邱後固誤又考春秋

此水於益都錯簡也魯取郟鄆東田及沂西田似鄆與沂相近今鄆縣白馬河東有

鄆東村鄆東社白馬河入泗在平陽地正瑕邱南高平北沂水

在其東或白馬河古有鄆名未可知也魏志平陽又東過沛縣

有白馬溝是後魏時不名鄆故道元不知歟備考又東過沛縣

東出山東境北爲洙瀆西北流逕孔里北又西南枝津出焉經又

南經瑕邱城東二十三里見元和志南入於石門西南流世謂之杜

武溝又西南逕南平陽縣之顯閭亭西又南泚水注之今滋陽縣府河

是今泚水合府河處在濟寧州東北似卽故處也泚水上承汶水於岡縣西闡亭東初元

泚瀆涸絕濟倅畢輔國於剛縣故城之左作斗門遏汶入泚通泗始復其舊西南逕盛鄉城西又南

逕寧陽縣故城西又南泚水支津注之泚水支津首受泚水魯

城北西南逕瑕邱城北又西逕今滋陽縣北卽逕寧陽城南今寧陽之漕河是又

西南注於泚水卽今漕河合泚處泚水又西南逕乘邱縣故城東又東

南注於泚水以下泚泚通稱又南至高平縣南入於泗水水西有茅鄉

城通志細味水經注泚泗各有經流不知何時會成一渠而泚苞於泗無可分析按泚泗合流後於魯城東北仍分爲二古

人循其上流之序以北爲泚以南爲泗今惟知有泗水泚水不惟無其水其故道亦茫無知者聖里名川湮沒若是殊恨湖

涸無從矣今據經注詳考之始知卽今兗州之府河不惟其道依然並其流如故特與泗分流之處稍遲數十里耳曲阜城東

北五里有泉湧出西逕聖林南縣城北今名洙水屈而循城
南流於城西南合沂水自此又名沂不名洙又西至滋陽縣東
與泗水合此渠上源非洙亦非泗下流至城西乃古泗水渠其
城北泗水故道當在聖陵中今墓南有枯渠俗曰洙水即泗
故道若今所謂泗水者既在泗水故道之北則是洙非泗明矣
卽令非古洙潰然洙泗并行一渠與古未分旒時何異於滋陽
東仍分爲二與魯城東北分流者又何異南一支行泗渠人皆
知名之爲泗北一支行洙渠人獨不名之爲洙亦可怪矣府河
上流逕瑕邱故城東下流於濟寧州城東北合洙雖石門顯
不可考其爲洙潰已如指掌況此渠通塞歷載往籍人不察耳
隋書薛胄傳云兗州城東沂泗二水合而南流泛溢爲大澤胄
遂積石堰之使決令西注破澤盡爲良田又轉運通利盡淮海
百姓賴之號爲薛公豐兗渠據酈注知其時瑕邱城東尚未合
流則合流當在魏末或齊周之世隋初已以洙爲泗以泗爲沂
似魯城東北已不復分薛胄立堰開元人之先觀利盡淮海知
合洙合泗不失其故矣元和志稱洙泗合流於瑕邱城東則唐
時又會而南下然開元二十六年元宗東巡任城縣合於其縣
東造橋以爲跨泗水別流之上有橋元宗東巡任城縣合於其縣
流也宋史李師中傳爲兗濟二州刺史以濟水堙塞久訪故道
自兗城西南啟鑿功未竟而去觀此蓋唐中葉後漸以涇廢師

中雖未竟其功然使元人得因其緒亦洙泗功臣也此渠合洙
入泗皆在濟州故稱濟水元至元中遂於黑風口作石壩名以
金口洙泗之水方全出於任城東分南北濟運夫辟胃過水但
云立堰不云開渠則豐兗卽杜武之舊可知宋之啟鑿必求故
道卽豐兗之舊可知元明以來猶名濟河卽宋時所訪之故道
更可知今則南泗北洙安流如故特以泗源盛而洙源微曲阜
東北明泗不分流而世偏以爲洙明洙潰中之洙又混于泗
爲泗迨入滋陽泗潰中之洙旣奪於沂洙潰中之洙又混于泗
至令修志者謂無可分析豈眞無可分析也哉○今濟寧州城
南運渠揆其形勢似卽洙洗合流故道惜無他確證耳○隋書
子仲文傳肯金鄉城結陣去席毗羅軍數里設伏於麻田中兩
陣纒合伏兵發毗羅兵大潰皆投洙水而死通鑑胡注云洙去
金鄉遠或追奔至洙因投水死按齊周之世洙水當亦金鄉所
有蓋任城北徙亢父高平方與三縣皆省濟寧南境未必無析
入金鄉者但詳釋本文似去金鄉城甚近並無追奔情事此洙
水卽荷水耳玆固誤以荷爲泗後又因泗而附會於洙今荷澤
定陶之間猶有小渠名洙河其下流亦入荷水或因於洙今荷澤
洙名亦未可知附此備考○今水經稱泗水至濟寧州分爲南
北濟運按此元代水道導汶於南旺分南北入運縱不知府第
濟南運不濟北運矣且泗水經流故道於魯橋入運縱不知府第

河爲洙濟亦當以爲泗之支流不得以當經流也 寧陽南之
漕河卽洙水支津故道其逕瑕邱故城北寧陽故城南可證也
特上流亦自有源非於魯城北分出故人不知耳合洙於滋陽
西北當卽洙支津入洸處 一統志以府河爲洙水故道余謂
今府河直以洙水行洙
瀆不僅爲其故道也

黃水故道 豐水故道

黃水

出小黃縣黃鄉黃溝卽春秋黃池也

又東北逕定陶縣南

又東逕成武縣之楚邱亭北

成武縣之上有又東逕山陽郡六

黃溝則皆

又東逕

注此文此下有郟城北三字衍文

成武縣故城南又東北逕北

郟城北又東北逕平樂縣故城南

今曹縣北之白河城武縣南之新堤等河其故道

東右合泡水

泡水卽豐水之上源也上承大濟陂東逕貫城

北又東逕己氏縣故城北又東逕孟諸澤

據此今城武縣西南境曹縣東境有古孟

諸澤地矣東北逕郿城縣故城南又東逕單父縣故城南又東逕平

樂縣合泡水

水上承睢水於下邑縣又一水上承睢水於杼秋縣又謂之狐蘆溝積爲渚二渠雙引左合體水以

下禮泡並稱又東逕豐西澤又東至沛縣入泗水。此水自大薺陂東流至平樂始合二泡又東始名豐水故以泡爲豐上源而大薺陂至平樂百許里之水何名乎大薺陂爲黃溝所匯然則平樂以西亦黃水支流矣

補武水故道

武水出今費縣南冠石山天井汪又名涑水東流入蘭山縣界分支東逕縣北入沂經流東南流逕後魏卽邱縣故城西

又東南逕唐蘭山縣故城西

於此城北又分支入沂水

又南逕漢襄贛縣

故城東今郟城縣西又南至漢武原縣東南合武原水

武原故城

在今江南邳州西北八十許里

水經注曰武原水出彭城武原縣西北會注

陂南逕其城西又南合武水

今武水惟從支流於蘭山縣北入沂水其經流涸無水者數十

里於故瀆中重源再發南流至

鄰城南匯入駱馬湖入運渠謂之泐水南至剛亭城又南

至下邳入泗

今人運渠也見沂水考惟泗水篇武原水所合乃真武水

今補於武原水上

以上泗之屬

清淇故道

過內黃縣爲白溝自趙城又東逕空陵城

又北逕喬亭城西去館陶縣故城十五里

又屈逕其縣北又東北逕平恩縣故城東又東過清淵縣故城

西又歷縣之西北爲清淵又東北逕榆陽城北又東北過廣宗

縣故城南爲清河

石趙立臨清縣於水東又東北逕界城亭又東世謂之高城

東北過東武城縣西又東北逕復陽縣故城西近志以今衛河爲清淇渠不盡

是也元和志館陶縣永濟渠卽白溝在縣西十二里邱縣境內

之東漳河臨清西北之清洋江武城西境之黃蘆河其故道也

隋唐時漳水行此渠邱縣志亦稱此渠爲老黃河宋史河渠志

冀州有小漳河向爲黃河北流所壅是也唐時永濟渠在館陶

境爲此渠東北逕臨清故城西門外武城永濟渠卽今衛河非

古清淇渠明矣今衛河愈移而南在臨清故城南四五十里惟

今館陶西門外之衛河卽唐永濟渠蓋永濟本非盡由白溝故

道也今水經云衛河卽漢屯氏河此亦本元和志然館陶以西

南則有之以東北惟臨清至武城似其別瀆

支津亦無確據蓋唐時水道不可以例今也

膠水故道拒艾水注文多有可疑者已詳膠州沿革

納張奴水以東北爲澤水渚百許里謂之夷安潭潭之澤周四

前水道不改既云百許里又云四十里殆不亦濰水枝津之所注也濰

十里可解潭之澤上下似有脫誤

於高密南都之南蓄爲塘下注夷安潭卽此枝津齊乘以今膠

州北之都爲夷安澤考元和志夷安澤在高密北二十里唐

高密縣卽今治縣北十許里有百脈湖周百許里濰水支津寶注之若都泊則濰水支津所不至疑都泊百脈湖皆古夷安澤

又東北逕下密縣故城東此城在今昌邑縣東二十里下文所

東南似不能先逕下密城而後逕膠東城也膠東城卽今平度州治在平度下密城

東西乃下密東南此句蓋謂逕下密東南境耳又東北逕膠東縣故城西又北逕隋北海縣今濰縣東八十里見元和志又北逕

里逕漢下密縣東當在此又北逕平度縣縣有土山北歷上山逕掖縣西南

七十五里見元和志注於海此注文也經云過當利縣入海蓋作者

云云自承上膠東言非承經文當利言當利城在平度故城北

三十許里也。自元開膠萊南北兩河今高密以北膠水故道

多不可考雖然據元和志膠水去北海掖縣里數與今北河去

維掖正同今平度西南分水嶺乃兩河分流處古膠水不能越

之而北則故道當在嶺西再北似卽今北河如逕膠東城下則

去北海縣不止八十里且有分水嶺隔之再北則卽今泥河側

古城多有不合諸城志稱膠水分爲二支一入嶧海一入北海意謂南河入東海北海入北海也考今膠水合新河在吳家口開其地在分水嶺南膠水第由南河合姑尤之水入膠州之少海分水嶺以北乃平度境內諸山水匯流全與膠水無涉矣

堯水故道

堯水出劇縣南崩山故義山也亦名角林山水卽麤水北逕嶧

山東俗亦名青水

齊乘堯水又名青考證曰館本水經注據承樂大典作青山則是嶧山之異名非堯水之

別

又東北逕東西壽光二城間又東北注巨洋

漢志麤水自入海或水道徙也

今堯水澗絕益都縣東有堯溝其故道也東北合丹水又不入巨洋矣

漪水

漪水出方山流入平壽縣積而爲渚水盛則北注東南流屈而

東北流逕平壽縣故城西而北入丹水謂之魚合口

今濰縣于河也齊乘

作虞一作汗近志
無知爲古漪水者

女水故道

女水出東安平縣之蛇頭山

在今臨淄縣東南十五里一作菟頭一作勉頭又名吳頭又名鼎足

一作鼎定

東北逕安平城東述征記曰女水至安平城伏流十五里

然後更注北陽水東北逕壟邱東東北入巨淀

今又名裙帶河通塞不常漢志

稱至臨淄入巨淀誤巨淀亦北陽水所匯故述征記云爾

時水 澗水 系水 澧水

時水出齊城西南二十五里平地出泉卽如水也亦謂之源水

因水色黑俗又目爲黑水西出逕黃山東又北歷愚山又屈逕

杜山北

通志杜山在愚山南蓋時水屈流故能逕其北

水有石梁亦謂之石梁水澧水

注之澧水出時水東去臨淄城十八里所謂澧中也路史以在西安城南

者爲畫耿弇進軍之地以在臨淄俗謂宿留水西北入於時水

時水又西逕西安縣故城南又西至石羊堰分爲二水見前時

水又北逕西安城東又北系水注之水出齊城西南世謂寒泉

也東北流逕申門西爲申池北流逕陽門西水次有故封處齊

之稷下也又引左傳定公八年陽虎劫公伐孟氏入自上東門

陽虎事在魯城內安又北逕臨淄城西門北而西流當是逕西

得混入齊之稷下乎又西逕葵邱北系一本誤水西北

潭又西逕高陽僑郡南又西北流注於時水時水又東北澗水

注之澗水出營城東世謂之漢溱或作溱水西北流逕營城北又

西逕樂安南

南字

博昌縣故城南又西北入時水自下通謂之

灑也又屈而東北逕博昌城北又東北逕齊利縣故城北又東

北逕巨淀縣故城北又東北逕廣饒縣故城北東北入淄水

齊乘時水通志略曰一名彰襄三年齊晉盟於彰是也其源歧淺多

泗又名乾時今按時水之源南近淄水蓋伏淄所發土人曰烏

河西北灑水入焉俗名泥河又北逕臨淄城北系水入焉系出

申池門側小阜曰包山俗又名包河並城北流分爲二俱入時

一水逕梧臺前入者曰系水一枝遠至博興東南李監人者

曰灑水時水又北至新城縣東南索鎮口下通舟楫又北至博

興南地名灣頭小清河入焉又東逕利縣故城又東逕樂安縣

北又東至馬車瀆入海余按時水道無大變易今樂安境內又

名福民河惟灑水水經注謂出營城東齊乘則謂系水所分今

臨淄城東與北無灑水或古道如是元時已涸系水分支行其

故渠歟于氏既云一枝於梧臺前入時一支於博興南入時何

上文已於臨淄城北書系水入焉耶于氏又引水經注云灑水

出臨淄城北蓋引出營城東逕營城

北而誤與系分爲灑之說又自矛盾

賈山東考古錄 卷三十九 終

淄水摘考 天齊淵

淄水出萊蕪縣西南山下世謂之原泉泉字當作山字淮南子曰水出鈴

山蓋山別名也山在博山縣西二十里縣志云魏收志亦名馬耳山俗名禹王山又有岳陽山在縣東南三十

里去原山五十餘里考淄水自原山東流凡十八伏見至岳陽山下見不復伏俗名泉河頭齊乘以爲卽原山固誤然亦如星

宿海之爲河源矣括地志稱東逕臨淄縣故城南東得天齊

原山在淄川縣東北甚繆

水口水出南郊山下謂之天齊淵五泉並出南北三百步廣十

步山卽牛山也北流注於淄水元和志寰宇記並稱天齊淵在臨淄縣東南十五里齊乘云此

淵在臨淄東南八里淄水之東女水之西平地出泉廣可半畝

土人名曰龍池西北流入淄水牛山在淄水南遙以爲誌耳按

龍池爲天齊淵唐宋以來無異說金人城東南徙故于氏里數

不同近見吳振械天齊淵詩敘云出臨淄城過安樂莊折而東

涉淄抵牛山麓三泉側出厓石間噴薄下注下有盤陀石橫卧

半畝許色深碧一穴圓如瓊泉湧穴中直上一穴尤小拂然怒

溢高皆丈餘視突雄壯不逮而奇過之泉在山麓最下而北
流注於淄以齊故城視今泉南北正相值又泉之數凡五證之
書傳歷歷皆合李餘慶以爲城東南之龍池誤矣余謂龍池不
在牛山下又無所謂五泉得吳敘天齊淵始復顯於世蓋其泉
通時少而塞時多故知者少耳

流逕東安平城北

此注文也利縣城在臨淄故城北微東五十里安平故城在臨淄縣東三十里禹貢錐指移

經文於注文下其言曰應劭曰博昌縣西南三十里有安平亭
故縣也淄水自利縣東又東北流不得過東安平城也余按胡
氏說甚繆此處經注皆承上臨淄爲文自縣東北乃自臨淄縣
東北不然而淄水僅逕利縣東南不能至其東北也東安平之北
卽利縣之東南若博昌西南之安平亭乃平安之倒文卽今新
城東北之會城在臨淄西北數十里淄已過臨淄而東北流安
得反至平安

縣城北耶

入馬車濱

今高家港

東北逕環槐縣故城南又東北

逕馬井城北

合時又東北至皮邱沈

沈字

入於海

禹貢錐指稱壽光北清水

泊卽皮邱坑考清水泊納南陽水女水乃古巨淀無可疑者馬
車濱首受巨淀水又東北始至皮邱坑胡氏誤皮邱坑當已近

海或與海混為一矣。○漢志淄水至博昌入濟朱長孺曰馬車
 瀆以下乃濟水入海處淄水入海之道與濟水正同非經志互
 有齟齬也禹貢雖指曰濟由馬車瀆入海自金皇統中始前此
 不爾也河渠書云與齊通淄濟之閒故淄得由博昌入濟按淄
 由博昌入濟今固毫無遺蹟水經與注亦不之及何耶時灑水
 在濟水南淄由博昌入濟非絕時灑而北即淄與時灑已於博
 昌合流矣易牙辨淄灑之味二水合流似當近齊城但據河渠
 書又似人力所開通分淄水逕於博昌通濟其經流仍自入海
 也俟再考。○左傳昭二十六年成人伐齊之飲馬於淄者杜注
 云淄水出梁父縣西北入淺即今柴汶而鄭樵誤以為臨淄南
 之淄且云地志入沛水經入海
 譬非而杜注為是抑何夢夢

濁水陽水摘考 石井水

巨淀濁水所注 濁水今益都之北陽河也巨淀今壽光清 長

沙水 今河南東北流逕廣縣故城西舊青州刺史治 見益都沿革 補十六國

志南燕廣固縣下云水經注淄水東北逕廣固縣舊青州刺史 治按逕廣固城者濁水非淄水舊青州治是廣縣非廣固城廣

固古未立縣。○宋書索虜傳虜圍青州刺史竺夔於揚水兩岸設伏卽陽水

又東北石井水注之

水出南山頂洞門望若門焉俗謂是山爲劈頭山其水北流注

井井際廣城東側三面積石高深一匹有餘狀同洪井劈頭山

在益都

縣南五里齊乘考證曰石井水有二源東源出李堡峪在山之陽峪南山俗名李仙山或曰醴泉之訛山西阜西爲黃峪西源所發也兩峪皆有石井窟穴深透村人略加椎鑿以通縞緞而西源特盛當夏秋霖潦時水溢出井西北流逕故廣城東爲瀑水澗古名石井者目其源也自水經注誤以積南陽二水渾石瀑布爲井于氏因之非穴地出水之義矣北陽二水渾

流世謂之爲長沙水亦或通名之爲繩水據此知時澗之澗亦作繩此水或作澗皆

誤也。○南陽水本入巨洋注云後人竭斷今注濁水齊乘云南陽水今復東流十五里合建德水入巨洋今水道與元代同

巨洋水摘考 邳泉 建德水 巨洋支津故道

巨洋水出朱虛縣泰山北過其縣西注卽國語所謂具水袁宏

謂之巨昧王韶之以為巨葦亦或曰胸瀾胡三省曰昧音莫葛

後漢耿弇追張步至沫水即此酈注有明文寰宇記係此事於

臨淄縣非沫水所至也又三國魏志注九州春秋孔融為北海

相禦黃巾於涑水即沫字之訛又唐書王師範拒朱友寧於石

樓斬友寧逐北至米河石樓近臨淄則米河即瀾水今又名瀾

河又名其水北流逕朱虛縣故城西遙逕其西五六十又東

北洋水注之今臨朐縣北水道不改○漢志臨朐下石膏山洋

洋則略而不載不如酈注詳備入巨淀者乃支津非經流○宋

書武帝紀巨葦水去臨朐城四十里按巨葦水正逕臨朐城下

宋武時方度峴或指上源言之又東北得邳泉口泉源西出平地東流注於

巨洋巨洋又北會建德水水西發逢山阜東流入於巨洋齊乘

水出府南七里澗俗名七里河水東猶有建德村邳泉在建德

水源之東北入建德非入巨洋也按水道或改未必注文之誤

逕益縣城東又東北積而為潭枝津出焉謂之百尺溝東北

逕北益都城又西北注巨淀

朱謀瑋曰當作注巨洋考枝津今雖涸其故道正由王胡城東而北

注巨淀若經流在枝津東

經流又東北過壽光縣西此經文或非

巨洋自湖東北流逕縣故城西此注文湖者上文積而爲潭之水也經文亦承經流言壽光縣

志誤以湖爲巨淀又誤以此經文作承枝津言遂謂今清水泊中霜雪城爲壽光城繆矣

白狼水摘考

白狼水出丹山

昌樂縣志白狼河出縣南二十餘里大姑山通志謂出昌樂西南五十里雷鼓山齊乘白狼水

有二源一出丹山隋志作白狼山一出北海縣南小王莊平地

上源合此始大按昌樂以南古皆丹山後人析名愈多耳然上源實不至雷鼓山也濰縣志稱源於其縣南一里雷鼓山萊州府志謂源於諸城雷鼓山愈繆○水逕漢營陵城北今逕營邱

集南乃後魏縣城非水道改也○宋史河渠志元豐三年知維州楊采開白浪河維當作濰浪當作狼

沂水摘考 叟崗水 温水 治水

沂水出泰山蓋縣艾山有東中西三源俱在今蒙陰北沂水志敘述最詳 雙嶺水有

二源雙會東導一川俗謂之汶水東至蒙陰縣注桑泉水今蒙水出

陰西南三十五里九仙山東北逕蒙陰故城東東北逕雙嶺若

又北入桑泉水齊乘桑泉水又南合蒙陰水通名爲汶河東注

沂自注云水經桑泉亦稱汶繆甚蒙陰志 溫水上承溫泉

而西南入沂水出蘭山縣東北湯山齊乘云沭水又南溫泉西來入焉古名溫水陂鼎足三穴沸如湯道元謂西

入沂非也按此 洛水出泰山南武陽縣之冠石山地理志曰

冠石山洛水所出應劭地理風俗記曰武水出焉蓋水異名也

東南 流逕蒙山下又東南逕顓臾城北又東南逕費縣故城南

許慎說文云沂水出東海費縣東南入泗從水斤聲呂忱字林

亦言是矣是水東南所注者沂在西不得言東南趣也皆爲繆

矣此水入沂正東南趣反以爲繆殆不可解故世俗謂此水爲小沂水又東南逕

城南又東南注於沂洛水戴本作治水與漢志合卽今費縣西

其本名治洛皆浚之訛也出冠石山者乃武水漢志本誤非治

水異名小沂河發源滕縣東北境東北流至費縣合浚河又名

小淮河自下浚沂通稱許氏蓋以今浚河爲沂水正源故云東

南入泗並未有誤道元云云竟方向不辨矣班氏又以今招遠

之姑水爲治水尤繆辨冰

流水摘考 葛陂水 祖水故道

流水東南流左合一峴水東南過其縣東東左與箕山之水

合今小峴水於楊家城子東納箕山水卽邳鄉又南與葛陂

水會水發三注山西南流逕辟城南積而爲陂謂之辟陽湖西

南流注流水三注山在莒州東南六十里葛陂水流水自建

州志不載疑卽州南陳旺河再考

又南逕陵山西又東南歷柵口城京相璠曰偏陽縣西北有柵水去偏陽八十里東南逕偏陽縣故城東西南亂於沂而注於

流謂之柵口城得其名矣東南至胸縣入游注海

游字上下似有脫誤○偏

陽城在今嶧縣南五十里柵水今沭水在其東北作西北疑誤武水與武原水合流曰沭非今沭水今沭水有東西兩源西出嶧縣抱犢固東出費縣崇山合於蘭山縣境既亂沂合流必先絕沭或亂沭遂冒沭名柵口自在合流處通志謂卽沭口恐非

濰水摘考

漢志或作淮省文也考詳前錄今俗讀作江淮之淮誤

荆水

沭水

又北過平昌縣東荆水注之水出縣南荆山阜東北流逕平昌

縣故城東又東北沭水注之水出沭山東北逕姑幕縣故城東

又東北逕平昌城北古場此水以溉田南注荆水沭水又東北

注濰水

諸城縣志沭水於平昌城北荆水自西來注之水發源桃源村前志謂之石龍河實荆水上流也東北流於平

昌城南屈從東北流一里入於浯浯水又東流十五里逕葛岡南其南岸有廢渠逕霞岡東通長干溝至今浯水下流土人名爲渠河或以此歟又東五里至彭旺村入高密境又北十五里由北張落村入於濰長干溝者其上流爲塔西河又名岔河東北流至宋家泊村前有葛岡南浯水南岸廢渠水入之又十五里至高密郭莊南入於濰按水經注濰先納荆後納浯不知荆水在長干溝西北二十里外已入浯水東北合流未嘗自達於濰道元誤以長干溝作荆水耳又云浯水逕平昌城北古塌以溉田南注荆水亦指葛岡南掘通之渠其云南注荆水卽指今長干溝也一誤皆誤矣余按古今水道不同正未可據今非古

東汶水摘考

汶水出朱虛縣泰山注伏琛晏謨並言水出縣東南浯山山在

小泰山東者也

齊乘今沂山絕頂穆如陵側有瀑布泉懸百丈厓而下卽汶水也又云北逕蔣峪口有水出峪

中西來入焉自注水經有浯山水以爲汶源疑卽此水按東汶出小泰山卽今沂山浯山在安邱西南六十里于氏所稱未知卽出崕山者否若浯水自出壺山非浯汶

北逕管寧冢東故晏謨言柴阜西南有

魏獨行君子管寧墓又東北逕柴阜山山之東有徵士邴原冢
齊乘管寧墓在柴阜東十餘里與此不合通志稱管墓在安邱
西南十五里古朱虛城側考朱虛城在臨朐境去安邱幾百里
又稱邴原墓在朱虛城外今考柴阜在安邱西五十里管墓在
其西南邴墓在其東今雖無蹟可考不難約略知其處通志說
繆甚

續山東考古錄卷之三十

滄州葉圭綬子佩甫述

水考下

九河故道在山東境者惟屯別南瀆爲鉤盤河漢於其側立般縣水經注以爲九河之一最爲有據德州老黃河東至樂陵北者今名鬲津河漢志鬲縣下云平當以爲鬲津鬲城在德州境隋鬲津縣在樂陵境故禹貢錐指定爲鬲津河但漢許商稱鬲津最南屯別南瀆在鬲津之南商稱篤馬河在九河南是不以屯別南河爲九河數矣第鬲津最南之說惟依爾雅所載爲次恐亦不足深據也元和志安德縣南有鬲津枯河

詳上卷大河故道通

典安德有古馬頰覆鬴二河皆不足信齊乘考九河似頰詳實
究失過鑿如以士傷河爲鬲津不知卽商河故道至近志枯渠
斷港附會紛拏不足辨矣

周禮職方氏兗州其浸廬

漢志作廬

維鄭注當作雷雍字謂雷澤雖

水也因學記聞引顏師古曰廬水在濟北盧縣說文濰水出琅
邪箕屋山東入海徐州浸夏書濰淄其道鄭讀非也按鄭讀最
確顏氏不明地理就字爲解令人失笑盧縣並無廬水濰水夏
屬青州周屬幽青二州旣誤以爲徐浸又以徐浸注兗浸且不
知周無徐州夫浸也者湖泊之稱也盈饒蒲魚涸生草木者曰
澤藪有來源而瀦蓄成淵者曰浸兗之澤藪爲大野浸非雷雖

無足當之者盧無是水不必論濰在青幽二州亦不能名浸幽

浸爲淄時二水所匯之皮邱沆也青浸爲沂沭二水所匯之駱

馬湖也宋史沈括傳爲流陽主簿縣沂沭水乃職方氏所書浸曰沂沭者故跡漫爲汙澤括新其二坊疏水爲百渠九

堰以播節原委得上田七千頃可證斯湖古所有矣濰自源至委無瀦蓄處其枝津入夷

堰以漑田者烏得以浸名乎安泊乃後人

史記河渠書禹醜二渠以引其河漢書溝洫志孟康注二渠一

貝邱川一潔川按漢武塞瓠子決河河復北行二渠以爲復禹

舊迹故孟康亦以貝邱川爲禹迹其實周定王五年河始改由

此川烏得以爲禹迹乎然亦有可疑者左傳齊履西至于河其

時河尙未改自當西至禹河但詳考春秋時齊之西境若聊若

攝若清若高唐若莒皆瀕貝邱川之東以西皆是晉地則齊西境正抵此河雖不必爲禹迹似其來遠矣宋李垂導河形勢書曰東爲漯川者乃今泉源赤河北出貝邱者乃今王莽故瀆而漢塞宣房所行二渠蓋獨漯川其一則漢決之起觀城入蒲臺所謂武河者也按漢塞宣房後所行二渠一漯川一仍貝邱川王莽時空故又名王莽河當時以爲尙復禹舊迹固誤然非漢所決則甚明入蒲臺者卽西漢末至宋初河道上流行漯瀆於東武陽復與漯分在宋爲朝城地非觀城武河卽漯異名李氏似於水經注全未寓目不然何至誣繆若是王莽河於貝邱西南凡三大曲河流迂折每於上流潰決宣帝時命郭昌引而直東

河患稍息未幾復故遂又決於館陶是此渠險要在貝邱故漢人因以爲稱未必古有是稱也

又孝武元光三年河水徙從頓邱東南流入勃海禹貢錐指以爲稍東至東武陽卽奪漯川入海

漢志東萊睡縣下居上山聲洋丹水所出丹東北入海按聲洋水今清洋河丹似是別一水與聲洋同出一山者今福山之大概姑河發源萊陽之三螺山兩水皆東北流至福山縣城東北合流入海故古以兩水名鎮疑今棲霞萊陽二縣間諸山古統名居止山而鉅齒其主峯也

互詳山考

此據景祐本讀書雜誌云下丹

字衍汲古閣本東北上無丹字

又曲成縣下有參山萬里沙祠陽邱山治水所出南至沂入海
按曲成在今掖招遠之間不能有南流至沂之水漢縣以沂名
者惟臨沂並不濱海考姑尤爲齊東界名川不容不載治水乃
姑水之訛姑水發源今招遠北之蹲犬山正漢曲成地南流至
計斤縣入海沂字又斤之訛南武陽有治水東南入沂姑旣訛
治斤遂訛沂矣讀書雜誌說與余同惟以治水爲尤水蓋泥於
曲成故城在掖縣之故不知招遠亦有曲成地姑大於尤舉姑
可統尤舉尤不能統姑也

路史姑尤之尤本
作尤不知何據

又膠東國觀陽下應劭曰在觀水之陽按今所謂昌水當是古
觀水昌陽移置後遂冒昌水之名耳

又濟南郡朝陽下應劭曰在朝水之陽據水經注朝陽在漯北
水北
爲陽無所謂朝水也應氏注縣名有陽字者動曰某水之陽往
往並無其水未足深據

後漢志平原鬲縣下劉昭注魏都賦注曰縣有蓋節淵未詳

三國志魏書孫禮傳平原清河爭界以王翁河爲限未詳王翁
末聊城人見後
漢書王青傳西漢

又云平原在兩河向東上其間有爵堤爵堤在高唐西南按此
謂漢高唐城西南水經注河水逕高唐西此堤當是西漢末以
來河堤近志謂在今高唐州西南非是

晉書載記慕容垂進屯聊城之蓬關陂今無考

魏書地形志司州陽平下有白馬淵今無考

又平恩下有康臺澤按後燕慕容農遣蘭汗取康臺卽此元和志稱在平恩縣東五里今邱縣東南四里有盛水灣是已

又滄州樂陵下有白麻泉神

又兗州范縣下有涑溝

又齊州衛國下有石湯水

又齊州臨邑下有刀環水

又昌陽下有浮游水以上五水今並無考

新唐志平昌下云有馬頰河久視元年開號新河元和志作貞觀元年開決在平昌縣南十里其安德縣下云馬頰河在縣南

五十里今平原鴻溝猶有枯渠東分出土人名篤馬河蓋下流合古屯別南瀆故也今德平南之鉤盤河卽此渠陵縣臨邑之間有般河店卽此渠所經德平以東仍南瀆故道矣近以德平德州馬頰河當之非也

唐書竇建德傳云我聞高雞泊廣袤數百里葭葦阻奧可以違難建德漳南人近志謂此泊在夏津武城及直隸清河縣境唐末樂彥禎子從訓伏兵高雞泊劫王鐸北夢瑣言以爲掠於甘陵可約略知所在矣

又藩鎮傳淄青李師古傳棣州有蛤蜊鹽池歲產鹽數十萬斛李長卿以入朱滔獨蛤蜊爲李納所據以專利後德棣入王

武俊納乃築壘德州南跨河以守蛤蜊謂之三汊通魏博以交田緒按池在棣州而築城德州以守殊不可解元史世祖紀中統二年三汊竈戶經宋兵焚掠免今年租賦是年宋山東降將掠濱棣二州而九域志濱州有三汊鎮似卽古三汊城也通志係三汊城於陵縣係蛤蜊城於惠民余雜考姑從之

唐開元十四年魏州河溢其決口謂之龍窩在觀城縣西境通典州郡志魯郡泗水縣下云有泮水按泮當在魯城中此泮字疑是洙字之訛

五代史段凝傳是時唐已下鄆州凝乃自酸棗決河東注鄆以隔絕唐軍號護駕水疑卽今曹州南之俗灘河是也

舊五代史葛從周傳從破兗州朱瑾之眾於馬溝按白馬河魏志作白馬溝在今鄒縣

宋史河渠志周顯德初大決東平之楊劉決河不復故道離而爲赤河又云赤河決東平之竹村又歐陽修疏云慶歷三四年橫隴之水又自海口先淤其後游赤金三河相次又淤九域志聊城有金河水平原亦有金河李垂以赤河爲潔又言臣所至並稱黃河水入王莽河與西河故瀆注金赤河又韓贊言支河流入金赤河通考聊城有金沙水似卽金河然三河今皆不能指其故道

又良山令陳曜請疏鄆滑界糜邱河以分河水勢未詳

又京東安撫黃廉言梁山張澤兩濼十數年來淤澱每歲汎浸近城民田乞自張澤濼下流濬至濱州可泄壅滯從之又治平十年河決曹村下埽澶淵流絕河南徙又東匯於梁山張澤濼按張澤濼當與梁山濼相近

又五行志淳化二年七月齊州明水漲壞黎濟砦城百餘堵明水未詳

又楊日嚴傳青徐飢改京東轉運使因請江淮陝西轉粟五十萬以賑貧民又開清河八十里抵援水河以便漕運按此清河當是南清河援水河未詳

又叛臣李全傳金遣完顏霆敗楊安兒於關頭滴水斷其南路

安兒輕舸走卽墨蘭頭滴水未詳

太平寰宇記楚邱縣棠水在縣北四十五里從城武縣入界南
行五里合泡溝按楚邱故城並非衛所遷棠水因望楚與堂得
名亦出附會此水似卽黃水枝津

今曹縣城武境內古無自東而西之水楚邱縣在城武西

此云從城武縣入境尤所未詳

又益都縣有平盧河水與地平故號平盧按此因平盧節度而
附會者益都並無此水 又少海韓子曰齊景公與晏子遊於
少海按少海卽勃海不當係益都 又烏常泛涓涓水皆不在
益都並詳前

又夏津縣潤河枯瀆在縣東三十六里按元豐九域志作澗溝

文獻通考作閏溝疑卽今縣東老黃河也當亦大河支流

又臨黃廢縣黃溝西自觀城縣界流入東有小支出焉亦名黃溝東南入虎掌溝按疑卽今濮州城南之玉帶河

又長河廢縣永濟渠在縣四十里四當作西

又商河縣馬頰河在縣北二十里按唐馬頰河在德平南十里

又東北則合古屯別南瀆不能至縣北二十里俟再考

又樂陵縣鬲津楛河在縣西三里按此據唐縣言或以此渠爲

屯別北河考此渠逕饒安故城南

今舊縣鎮南

漢定縣城在饒安東

南三十里此渠在定縣北與屯別北瀆逕定城南不合 又振

陂後魏太武所築在今縣西按今無考

元豐九域志清平有新渠今無考

又臨朐有般水考般水自發源至入孝婦河皆在淄川境或宋時臨朐西境至般水歟

又龔邱有讎水疑卽蛇水以逕讎城得名也

又平陰有鹹水未詳

金志禹城有洪水又奉符有梁水皆未詳

金史僕散安貞傳大安二年七月壬午賊棘七陣於辛河令僕散留家由上流膠西濟以大兵殺獲甚眾甲申安貞至萊州辛河未詳

又蒙古綱傳興定三年奏恩州武城縣艾家凹水灤清河縣澗

口河濼其深一丈廣數十里險固可恃因其地形稍加浚治足以保禦請遷州民其中按二濼蓋相接故合計其深廣似卽古之高雞泊也

通考鄆城有農水未詳

元史李庭傳世祖賜以益都居第單河官莊按庭居壽光則單河當作丹河

齊乘夷安潭古奚養澤按漢志長廣下有奚養澤在西郡國志在挺縣下二縣本相接也元和志夷安澤在高密北二十里奚養澤在昌陽西北四十里混而一之可乎

又泐水出費縣南關陽川至沂州西又分而爲涑水按泐水發

源費縣西南大匡崗東北至縣城東北入浚河涑水卽武水非
所水所分

又大清河又北逕臨邑縣考證云大清河至歷城東北卽入濟
陽縣界不逕臨邑蓋臨邑漢漯陰縣地大清河所行漯渠則臨
邑本其所經自金初置濟陽分臨邑疆域之半而邑境無清河
矣余按元和志臨邑縣濟水西去縣四十里蓋唐臨邑城在今
濟南府北僅六十里後魏時鵠山屬臨邑大清河本其所有可
知若漯渠在唐臨邑北七里安得以大清河當之臨邑於宋代
已移今治其境內無大清河未必始於金析置濟陽也

自古迄今黃河凡數大徙皆經今山東境禹河卽後世之漳瀆

周定王五年徙貝邱川西漢末行汴渠東漢初行漯川至東朝陽別流其故道並見水經注宋徙橫隴徙商胡東流北流迭爲通塞金決陽武注梁山泊北清南清分流入海其故道並詳圖考元復行汴渠卽今黃河惟金元之間曾行過渠不經山東境然與決瓠子決頓邱皆未幾復故不足數矣

人皆知運河爲元所鑿亦不盡然吳王夫差掘溝商魯之間北屬之沂西屬之濟酈道元謂卽泗水滕嶧間漕渠是已晉荀羨引洸通汶直抵東阿今陽穀東阿東平汶上濟寧漕渠是已惜其時不知置牐宣節旋卽涸絕故桓温又有鑿金鄉之役惟東阿至臨清乃元人所獨闢者 濟寧至東平名任城河東平至

臨清名會通河今統稱爲會通非也

元至正二十四年滋陽縣重修東嶽廟碑額上別有題字曰泚
水之東有湍水俗謂之鍛水今無考

續山東考古錄卷之三十一

滄州葉圭綬子佩甫述

一統志山東沿革辨誤

統部沿革表

兩漢高帝置濟南北海等五郡按北海郡景帝置

魏晉青州晉領長廣等七郡按長廣郡後漢末置魏省晉復○

兗州領高平等郡按高平魏仍名山陽

劉宋東徐州按後魏始加東

後魏司州濮陽郡治廩邱按治廩邱之黎縣故城

齊周青州按漏注治益都○改魏安德郡爲平原郡按齊周平

原郡仍治聊城安德未改名。濮陽郡按漏注治鄆城

隋北海徐郡

按

徐當是齊。開皇十六年於平原郡置博州大

業初廢屬武陽郡

按

上文當書治聊城則屬武陽郡方有所

指

蘭陵郡下莒州下及唐鄆州下誤與此同。統部沿革但詳州郡可矣所治縣改屬不必載也

唐

登州神龍三年置治蓬萊

按

初置治文登廢復置治牟平又

徙蓬萊神龍三年徙治之年非始置也。鄆州武德初復置

後廢爲鄆城縣貞觀八年移治須昌

按

州自鄆城移治須昌

未嘗中廢州自州而縣自縣不得云廢州爲縣也

至德二

載復以郡爲州分置淄青平盧天平泰寧四節度使按改郡

爲州在乾元元年非至德二載平盧與淄青雖是兩鎮然在

山東則一鎮也

此條見沿革志

金濟州徙廢

按

州自鉅野徙任城非廢也如廢謂鉅野縣不當

入統部○恩州徙治歷城

按

城當作亭○興定中置嶧州治

蘭陵

按

此說當存疑其嶧縣沿革亦不云金置州

元益都路濟南路屬燕南河北道

按

二路屬山東東西道○博

興等州非直隸省部不當入統部

明洪武初置山東布政司

按

初置行省九年始改布政司

濟南府沿革表

兩漢章邱朝陽

按

故城在齊東

淄川萊蕪

按

故城在博山

臨邑潔陰

按

故城在濟陽

禹城瑗縣

按

故城在齊河

長

清濟北國治盧縣

按

所治城後分爲北安縣故城在平陰

魏晉鄒平

梁鄒晉省

按

晉梁鄒屬樂安未省

劉宋

長清

太原縣太原郡治

按

宋郡治山茌

後魏淄川

昌國徙廢

按

昌國宋徙於臨朐非魏徙

長清盧縣

屬太原郡孝昌二年移郡來治亦曰東太原郡

按

魏郡治太

原縣無東字其古蹟下明知東太原郡卽升城地形志太原

縣治升城不得謂郡治盧縣

齊周

鄒平

東平原郡天保七年兼移平原縣於梁鄒城

按

齊移

東平原郡於廣川郡城旣列入長山不當仍列鄒平移郡於

彼移縣於此謂兼移於梁鄒城殊不可解

長清省太原縣

按太原隋省。祝阿按後魏齊馬祝阿皆在齊河

隋長山東平原郡省入長山按郡不得云省入縣況廢郡時縣

猶名武強乎 **長清**開皇六年分盧縣置濟北縣大業初省

按分盧所置之濟北在盧縣境其時盧縣治漢之茌平城與

長清無涉長清西之濟北本名時平終隋世未省 **德州**陽

信縣徙置爲郡治按唐代亦列陽信云初爲州治州廢屬棣

州考隋唐陽信故城在今陽信西南城子務武定府古蹟志

所載甚明忽列入德州此誤殊不可解

唐禹城初移祝阿縣於此按祝阿自後魏已徙治今齊河境唐

移縣時已改名禹城 **陵縣**安德縣分置歸化縣太和四年

省人 按 歸化省入臨邑

兗州府沿革表

兩漢徐兗二州地 按 後漢魯國屬豫州 **滕縣** 戚縣屬東海郡

按 此沛郡廣戚縣。桃山侯國屬泰山郡 按 滕縣東南境斷

無泰山郡地此縣在今寧陽 **嶧縣** 蘭陵縣 按 繪縣 按 二縣

城今皆在蘭山境 **金鄉** 金鄉縣 按 故城在嘉祥

劉宋 寧陽平原縣 按 宋縣在汶上

後魏 **寧陽** 汶陽縣 按 後魏汶陽在今泗水 平原誤 **泗水** 百卞

人鄉 按 劉宋卞縣卽今泗水縣治後魏汶陽縣治在其北四

里卞不能省入鄉 **陽穀** 東阿移置 按 移置之城在今東阿

西二十里不當仍列陽穀

齊周隋唐同

宋滋陽改瑕縣爲滋陽按金改非宋改滋本作嶷明始作滋

東昌府沿革表

兩漢莘縣漏載東武陽縣

清平貝邱縣按

故城在臨清

魏晉臨清州石趙始置臨清縣當載

清平石趙置平晉縣卽

隋唐之清平當載

後魏高唐州高唐縣按

後魏高唐猶在禹城

齊周莘縣周置莘亭縣按

隋於漢樂平城置陽平縣改莘亭非

周置於今莘縣北莘亭也

隋恩縣漳南縣按

隋縣卽今直隸故城縣恩境漳南鎮乃唐縣

夏津 夏津縣 按 今夏津乃隋郟縣隋立夏津旋省其故城

在縣北境當附注不得舍郟而獨標夏津也

唐臨清州 永濟縣 按 故城卽今館陶

宋臨清州 臨清縣熙寧五年省入宗城爲鎮 按 九域志熙寧五

年省永濟爲鎮入館陶尋改隸臨清八年省大名爲鎮入元
城洹水爲鎮入成安經城爲鎮入宗城並無省臨清入宗城
之文如已省入宗城何又改永濟鎮隸臨清乎蓋誤看志文

青州府沿革表

兩漢博山 旁注萊蕪縣地 按 故城正在縣境當大書萊蕪縣

高苑建信縣 按 故城在青城 **昌樂劇縣** 後漢省 按 後漢省

菑川之劇此劇爲北海國治所安得省乎 諸城東武縣琅

邪郡治 按 郡治琅邪縣○平昌縣 按 故城在安邱○石泉縣

按 故城在高密○昆山縣 按 故城在日照

魏晉博興利益縣 按 古蹟志明知晉志是混兩縣爲一此不當

仍書利益壽光下既列益都此益字更當刪去 諸城惠帝

置平昌郡治安邱 按 無據○平昌縣初屬城陽後屬平昌 按

平昌郡高密郡同時置而平昌縣卻屬高密不屬平昌

劉宋臨淄西安縣 安平縣 按 二縣宋移臨朐境 博興樂陵

郡 按 宋樂陵郡在大河之南與河北羊闌城相對不在博興

在博昌者乃其樂陵縣城 壽光 漏載河閒僑郡之南皮樂

城等縣

臨胸都昌縣

按

宋都昌寄治青州城。脫載盤陽

西安安平。省臨胸縣。

按

改置昌國縣非省

後魏**臨胸**都昌縣

按

故城在昌樂。脫載西安安平

安邱平

昌郡治昌安

按

郡治晤城故城隋志有明文

諸城東武縣

膠州東武郡同治

按

州郡同治東武故城而東武縣卻屬高

密郡

齊周青州皆治益都

按

齊時郡仍治臨淄周始徙治益都見通

典

益都益都縣齊始置縣

按

益都縣曹魏所置齊徙置非

始置其壽光下云齊省益都縣

按

是徙非省

臨淄齊省入

益都

按

齊省臨淄入高陽

博興樂陵縣

按

齊已改名樂安

登州府沿革表

兩漢萊陽昌陽縣

按

故城在文登其古蹟下明載寰宇記昌陽

在文登之文表不當係兩漢昌陽於萊陽也

文登不夜縣

按

故城在榮成○睡縣

按

在福山

海陽當書觀陽縣

魏晉東萊郡徙廢

按

郡自黃還掖郡固未廢縣亦未廢也

後魏福山牟平縣牟平郡治

按

郡治黃之中郎城黃縣下亦脫

載

齊周黃縣脫載長廣郡治

福山牟平縣

按

齊隋牟平皆在今

蓬萊

榮城文登縣

按

當旁注文登縣地

萊陽省長廣縣

按

徙治後魏之卽墨縣非省

隋萊陽盧鄉縣開皇十六年徙置按此因新唐志及後漢書注

而誤詳平度萊陽

唐黃縣神龍三年省入蓬萊按是年改黃縣名蓬萊非省黃入

蓬萊

萊州府沿革表

兩漢掖平度縣按故城在平度 膠州脫載拒縣

魏晉膠州黔陬縣高密郡治無據

後魏平度州膠東城長廣郡治不置縣按地形志長廣郡卽墨

下注郡治非不置縣 高密高密縣高密郡治按無據

齊周省長廣郡按徙治黃縣之中郎城非省 雜縣下密縣徙

置郡治

按

此縣後魏標北海郡下注徙置平壽縣下注郡治

蓋謂魏徙平壽於今濰縣爲北海郡治也於齊又云徙置殊

爲矛盾

膠州黔陬縣脫載平昌郡治

唐濰縣

脫載別置又省之膠東縣

膠州高密縣地

按

南境諸

城地

明平度州

省膠水縣入州

按

升縣爲州非省縣入州

膠州膠

西縣

按

當作膠州旁注省縣入州

武定府沿革表

兩漢惠民

富平侯國

按

故城在陽信

青城

脫載建信縣

陽

信旁注陽信縣地

按

當大書富平侯國

霽化

重邱縣隋代

標將陵縣

按

重邱在安德故城北五十里安德故城在今陵

縣東南重邱卽陵縣東北之神頭鎮隋將陵縣在陵縣北五

十里今在直隸吳橋境此因近志沿顏魯公東方朔贊碑陰

記之誤以神頭爲前漢厭次輿地廣記誤以將陵爲重邱霑

化在陽信之厭次故城北遂謂重邱將陵在霑化展轉乖舛

何至於此

濱州當大書濕沃縣

蒲臺濕沃縣

按

故城在

濱州

後魏**蕙民**

厭次縣治馬領城

按

馬領城在陽信

陽信當大書

厭次縣

樂陵初置義熙郡

按

熙當作興

齊周**陽信**當大書陽信縣

隋唐同

隋海豐無棣縣按隋縣在直隸慶雲縣東南唐五代誤同雷化將陵

縣按當刪唐濱州當大書蒲臺縣

沂州府沿革表

兩漢蘭山脫載蘭陵繪戚三縣沂水盧縣按當作慮日照當

載昆山縣

魏晉沂水東安郡治蓋縣按後漢末置郡治在蓋境晉復置於

魏之東莞郡城魏晉時東莞未移治在郡城東北四十里宋

集古鄆邑城也杜預稱邑在姑幕南故知晉未徙治當爲東莞地未必已屬蓋縣

劉宋蘭山襄賁東海郡治按朱襄賁後移今江南海州境

齊周郟城郟郡郟縣按齊郡縣皆廢周復置而郡屬邳州莒

州省東莞郡

按

東莞郡省而義塘郡如故當載

沂水莒州

東安郡齊移郡治東莞周改州名

按

郡自西晉末卽治團城

非齊始徙治其時東莞縣治在莒州東莞集不得云治東莞

○齊省蓋入東莞

按

隋志但稱省姑幕入東莞不云省蓋入

東莞其時東莞縣治古鄆城蓋縣不能省入

唐

蘭山復置利成蘭陵鄆三縣旋省當載

金

日照日照鎮

按

當旁注

元

蒙陰當先載置行新泰縣旋廢復置改名蒙陰

泰安府沿革表

魏

晉新泰魏置晉初屬泰山郡

按

魏復置東平陽縣晉改名新

泰

東平須昌縣東平國治

晉志東平雖首須昌未必爲

國治

東阿穀城縣屬濟北郡

按

郡治盧子城實穀城縣地

當載

劉宋**東平州**壽昌縣壽張改名

按

宋志作壽昌涉上文須昌而

誤下並未稱何年改魏志亦不云宋曰壽昌皆可見也舊五

代史王彥章傳鄆州壽張人新史作壽昌亦筆誤也

肥城

濟北郡治蛇邱

按

郡治肥城故城隋志有明文宋未復置肥

城縣蓋地隸蛇邱也

後魏泰山郡治鉅平

按

魏郡治博平

齊周東平州須昌縣齊改置於須胸城

按

齊改置於東平國城

非須胸城

宋東阿兩徙治 按 兩徙於古毫無證據與寰宇記九域志所載

東阿至州里數皆不合 詳東阿縣 未可據縣志定論也

元東平州壽張縣 按 自漢迄元壽張縣志皆列東平州蓋據水

經注漢壽張故城當在州境也但後魏分壽張爲兩縣一仍漢治一卽今壽張集齊周以後之壽張皆治彼今雖與州接壤實壽張縣地東平州齊以後之壽張皆當刪去

曹州府沿革表

兩漢濟澤都關縣 按 古蹟志都關故城在濮州東南此不當列

荷澤 范縣 范縣 按 漢至後魏范縣皆在壽張後魏分范爲

兩范縣一治秦城隋迄明初之范縣仍之今爲范縣地漢迄

晉所書范縣皆當刪去後魏大書當注明屬濟州東平郡

觀城按畔觀縣故城在直隸清豐境後漢迄宋當旁注畔觀

衛國觀城縣地按朝城東武陽縣故城在莘縣

魏晉單縣單父縣按東晉改名離狐當載

劉宋清河省句陽縣按縣境非宋所有故宋北濟陰郡治東晉

之離狐卽單父城句陽之地宋不得而省之也定陶以前

宋在第三列濮州以後後魏在第三列不列宋第六列第七

列遂將唐代重出

後魏觀城臨黃縣按故城在濮州鄆城濮陽郡治故黎城當

載○濟州壽張縣地當載

宋壽澤冤句縣

按

當作宛亭宋改名也

續山東考古錄卷之三十二

滄州葉圭綬子佩甫述

一統志山東古蹟辨誤

濟南府古蹟

陽邱故城在章邱南元和志高齊移高唐於此寰宇記高唐故城在今章邱東南十五里黃巾固城今章邱縣治

陽邱城在今縣北元和志稱齊移高唐於此卽黃巾固非移陽邱城也寰宇記稱陽邱故城在東南非謂高唐城也今治元初所徙非黃巾固

朝陽故城在章邱西北魏王城在齊東西南

魏王城卽朝陽城

亭山故城在章邱西南齊乘云在縣東南六十里

齊乘據歷城縣言故云在東南連書殊矛盾

濟南故城在鄒平北 平原故城在鄒平東 濟南郡故城史

記正義引括地志濟南故城在長山縣西北二十五里後漢書

章帝紀元和二年進幸濟南章懷太子注縣名今長山縣西北

按兩漢止有濟南郡並治東平陵無濟南縣不知括地志後漢

書注皆何所據也

三城實一城也後魏之平原縣隋初置濟南縣括地志成於

唐初自隋以來濟南郡名齊州齊郡而濟南縣則大業時方

省故但知長山有濟南故城後漢書注古地名大抵本括地

志別無他據也其實此城在鄒平東南長山西南其在長山

西北鄒平北而稍東者乃漢梁鄒城高齊之平原縣唐初人

知隋之濟南縣初本平原縣遂以彼當之不知今鄒平境有

魏齊隋三代三平原城也

隋初平原卽漢鄒平城後復故名

著縣故城在濟陽西南 郭城在濟陽西

郭城卽著城

高苑故城卽今新城縣

城卽新城縣西苑城店今屬長山

平安故城唐復置屬青州

唐復置安平縣非平安

禹城故城在禹城西南隋唐間自長清縣界移祝阿於此 祝阿故城在長清東北唐初移今禹城

禹城故城乃後魏所徙之祝阿非隋唐間所徙今爲齊河縣地長清之祝阿故城下又云殊矛盾

瑗縣故城在禹城南 晏城在齊河北

晏城卽瑗城

臨邑故城在臨邑北 濼陰故城在臨邑西後漢志作濕訛兩城皆在濟陽西南惟巨濼亭在臨邑境濕古濼字非訛

山茌故城在長清東北唐改豐齊

漢荏縣唐豐齊是兩城兩漢皆名荏曹魏改山荏當從其朔
德州故城今陵縣治卽漢安德縣也 臨齊城在陵縣東北

陵縣治卽臨齊城非漢安德城

歸化故城在陵縣南卽金嚮化鎮

歸化城在濟陽西北非金嚮化鎮

長河故城今德州治

唐長河凡三城當並載今州治乃小胡城元和前縣不治此

重邱故城在德州東

卽陵縣神頭鎮表列重邱於霑化與此矛盾

平昌故城在德平西北

平昌凡三城當並載一曰西平昌

般縣故城在德平東北

般凡三城一隋縣卽後漢西平昌城當並載漢唐二城隋縣則書於西平昌城後

平原故城趙平原君封邑今平原有古城二一在南二十餘里一在縣西南三十里

平原君封邑卽東武城以平原爲稱漢平原縣自是齊地與

平原君無涉在南者是漢縣南稍西在西南者是鄒縣故城

營城廢縣寰宇記營城在歷城東四十里又有營城在縣西二十七里

寰宇記營城在縣西云云蒙上全節廢縣爲文全節之西卽
歷城之東非有兩營城也

舊志章邱有魏郡郭林鎮在縣西北六十里疑卽故東魏郡

東魏郡治故臺城今歷城地

樂安城在章邱縣北

此劉宋臨濟縣城此據寰宇記在臨濟東北八十里之文故
以爲在章邱北不知今爲齊東地也

鍾城在禹城西南 斗城在禹城西南

鍾城胡三省謂在泰山郡界故余疑歷城之中宮鎮是古本
奉高地也斗城當在長清二城斷不在禹城境

兗州府古蹟

曲阜故城在曲阜東十里縣志宋遷於此明還魯城按故城乃齊隋時遷此

漢至宋初魯縣曲阜縣城卽魯城特魯城甚大後魏以後縣在其東北隅而以西廢址爲古城故地形志魯縣下云有魯城也宋東徙明還魯城縣志不誤按語謂齊隋時遷此殊不可解

汶陽故城在寧陽東北漢縣晉宋後魏因之

後魏汶陽城在泗水縣北

壽張故城在今縣東南五十里東平州界

知此城在今縣境表何以自漢迄元壽張皆列東平州耶蓋
誤以後魏濟州壽張爲漢縣又因水經注汶水所經之壽張
確當在東平境故旣謂在今縣東南又謂在東平不知非一
城也

任城廢縣今濟寧州治

漢城去亢父城僅十里安得爲州治乎

御邑在鄆城縣東十二里今名御屯左傳臧武仲如晉雨過御
叔

此未詳所本旣在鄆城當列曹州古蹟

鄆城在曲阜東南魯邑按鄆左傳作陬史記作鄆字義皆同與

邾婁之改名鄒者有別水經注謂邾國爲叔梁紇之邑者誤也
魯之鄒邑本邾故都故水經注云然特誤以文公所遷之釋
當之耳左傳作邾史記作陬

成縣故城在寧陽北 成城在寧陽東北九十里

成縣卽成邑此因公羊成作盛遂以盛鄉城當之謂在寧陽
北亦出臆度據水經注今寧陽縣城極似盛鄉城惜無他證
耳

甲父亭在金鄉南

甲父亭在昌邑東南當金鄉西北

東昌府古蹟

荏平故城在今縣西二十里 濟州故城在荏平西南卽碣磔

城本漢荏平縣地

紀要誤同辨已見前
意有未盡故復辨及

後魏之濟州城卽漢荏平縣城水經注元和志有明文元和

志又稱漢荏平城西瀕河晉移理博州界蓋漢城在大河南

岸此處河東北流故亦可云西瀕河鄧里渠逕荏平城東卽

臨邑城西臨邑城在今東阿北境則荏平城在今縣南東阿

西北不在今縣西明矣今縣西卽唐博州地如漢城在此安

得以爲晉移乎元和志聊城縣下荏平故城在縣東五十三

里余初謂卽指漢城以與聊城至濟州里數相符也但漢城

在聊城東南且已爲唐濟州所治之盧縣不當又係聊城地

形志茌平有茌平城後魏茌平治鼓城其所有之茌平城似
卽晉移理於博州界者在唐聊城東五十三里也唐聊城在
今聊城東北二十里去今茌平四十里在唐聊城東五十三
里當在今茌平東或東南十許里亦不能在其西也

貝邱故城在清平西南寰宇記後魏初移於故城東北十里今
縣東又有貝邱城卽後魏治所

漢城在石趙所立臨清城東南五十里斷不能在今清平南
寰宇記所謂今縣謂臨清縣宋初臨清猶在故治後魏貝邱
城亦不能在今清平

臨清故城在今州南

在州南者金初所徙非古城

平恩故城在邱縣西應劭曰故館陶之別鄉按邱縣之名自元始而明統志云本館陶之別鄉不知何據

明志所據卽應劭說

高唐廢縣今州治後魏景明三年始改置縣於此

後魏縣仍漢治高齊以後高唐治莒城亦非今治

東陽故城在恩縣西北漢縣隋復置改爲漳南

隋縣非漢城亦非今恩縣漳南鎮

畔城在聊城西 博望城在舊博平西南

於古皆無據

信鄉故城在夏津西

應劭稱在甘陵西北十七里似不能在夏津境

侯城在武城西南

應劭稱在東武城西南七十里以今里計當得四十許里縣西南十五里接清河界似不能在縣境也

四口關在茌平縣南

關在長清故城西南六十里後魏聊城縣故城東南八十里似當在長清平陰之間不能在今茌平南也

青州府古蹟

高陽故城北齊廢郡隋始廢縣

此城宋魏但爲郡治其縣治無考齊天保七年始移縣於廢郡城見寰宇記高密縣下此似宋魏高陽縣附郡城矣

樂陵故城見博興縣治劉宋於今縣東故博昌縣地僑置樂陵郡及樂陵等縣北齊移樂陵縣於今治隋於漢故樂安地改置博昌省樂陵入之唐武德初改置樂安縣八年省總章二年又移博昌縣來治 樂安故城在博興縣北

據元和志隋博昌縣卽齊所移之樂陵縣後又改名樂安故隋志博昌下稱舊曰樂安惟元和志脫載樂陵改樂安之文

非隋初別置樂安縣也

如隋初所置隋志當云開皇初置樂安不得云舊曰樂安隋志所謂舊皆

指前唐初博昌卽隋治而於漢樂安故城置樂安縣八年省

總章二年又移博昌於此卽今博興治城在濟水之北而薄姑城博昌城皆在其東南質以水經注卽漢樂安縣城甚明其北安得又有樂安故城乎

長樂故城寰宇記劉宋於今高苑縣西二里如狄故城置長樂縣按漢志狄卽臨濟劉宋時臨濟爲縣如故何由別置郡縣於此謂渤海郡豈寰宇記所謂如狄城者非漢之狄耶

臨濟縣宋魏爲渤海僑郡治見水經注其臨濟縣西移於今齊東縣境故境內有漢鄒平建信二城寰宇記如狄之稱本不可解然與被陽城夾濟水故道確卽漢狄城

劇縣故城晉書地理志元康十年分城陽之大劇屬高密漢有

二劇縣故謂此爲大劇

晉志此條稱城陽之十一縣而實止十縣大字明是夷安二字脫誤其城陽國下劇縣何嘗有大稱乎

益縣故城在壽光縣西又名南豐城 益都故城有二一爲漢侯國在壽光北一爲三國魏所置縣在壽光南二城與益縣凡三城

巨洋水逕益縣故城西南豐城在巨洋水西烏得爲益縣城乎魏益都縣卽漢益縣水經注謂南豐縣置於益縣城已與所引曼謨南豐西去齊城五十里之說不合此因水經注致誤而不知其城在巨洋西也

昌安故城今安邱縣治

城在安邱東南二十里

昌縣故城水經注久白水逕昌縣故城西應在諸城縣東南縣志縣東北三十里有昌城社疑是石泉故址也

昌城社正在盧水東卽古昌縣城石泉城西北去平昌城僅

四十里

以今里計不足三十里

今在高密境

登州府古蹟

育黎故城在寧海州界 腫城在文登縣界 齊康公城在寧

海州東十五里

三城皆在福山

牟城在福山西北三十里地形志牟平有牟城

在西北三十里者卽牟平縣故城非牟子所居之牟城

膠東廢縣在平度東南隋末置唐初屬萊州

隋無膠東縣唐初所置之膠東在濰縣東南八十里

下密故城水經注濰水逕下密故城東有密阜今密阜在縣東三十里又有故城社在縣東二十里二地道里不同疑卽安帝所移置也

水經注云濰水逕下密故城西城東有密阜此脫引城西二字縣東三十里之密阜正在縣東二十里古城社之東安得疑道里不同臆度爲安帝置乎

訾亭故城在昌邑西卽古鄆邑唐武德三年置訾亭縣寰宇記訾城在縣西北十五里是唐之訾亭縣名勝志瓦亭社在縣西三十里是鄆邑故址也

古邑唐縣是一城寰宇記之十五里乃三十之倒文三說爲五耳奈所見本作十三

武定府古蹟

樂陵故城在樂陵西南三十里其墟嶺高文餘周三里又有故縣在縣西北二十五里蓋卽宋時所徙之咸平鎮也

漢城後魏城皆在今縣東南在西南者宋縣在西北者唐縣濕沃故城在蒲臺西北隋志滴河有後魏濕沃縣按地形志後

魏未嘗改置縣其在滴河地者去今蒲臺稍遠疑三國時復置於此非漢之故矣

漢城當在今濱州界隋志原可疑謂曹魏改置亦曲爲之解官竈城有二一在利津東北七十里一在濰化東七十里

實一城兩縣志皆載之耳

保順軍城今海豐縣治

城在海豐西北卽宋之無棣縣城非今治

沂州府古蹟

卽邱故城在蘭山東南宋爲琅邪郡治

劉宋卽邱在縣西南

故郟城在今縣西三十里故縣社

郟城故城在沂東沭西故縣社在沂西斷非故郟城

莒春秋凡三莒一爲周境內邑昭二十六年陰忌奔莒是也一爲齊東境昭三年齊侯田於莒十年陳桓子請老於莒是也一爲魯邑定十四年城莒父是也惟此爲莒國

陳氏之莒近古高唐卽古靈縣之莒城不在齊東境齊侯所田或卽此莒或齊東別有莒邑不可考矣

靈門故城寰宇記在沂水縣西北一百里

寰宇記謂沂水縣東北一百里有巨平山靈門城又在山北
沂水側此引殊誤

蒙陰故城在今縣西南十五里又有故城在縣東十里蓋後魏所置新泰縣也

在西南者漢縣在東南者晉縣後魏新泰卽今蒙陰治

東莞故城今沂水縣治舊志有故城在西北二十里發于故城在西北

今治乃後漢末東莞郡城漢縣在東北西北二十里之古城卽發于縣也

陽都故城卽諸葛城以諸葛氏陽都人故名王僧辨城齊乘土人呼諸葛城

王僧辨城在蘭山東北五十里陽都城南去蘭山百二十里

既引齊乘說不當又以陽都城當之

許田城在蘭山西北五十五里

今屬費縣

曹公城元和志在莒縣南七十二里齊乘在莒州南二十里今謂之五花營

齊乘本誤連引殊爲矛盾

蘧邱里在莒州北

據左傳楚伐莒行師之次當在州南

泰安府古蹟

平陽故城在新泰西北

今治南有遺趾不在西北

下謹城在肥城西南

今在泰安境縱在肥境亦當在東南

桃城在東阿西南漢功臣表劉襄爲桃侯

任城亦有桃聚滕縣又有桃山漢初曾立新桃縣今不可考
劉襄所封烏知卽東阿之桃乎

萊蕪監在萊蕪縣東南八里

監卽今縣治在東南者乃明鐵冶提舉司治所也

曹州府古蹟

呂都故城州志云漢呂后割濟南爲呂國此其所都也

因呂都字而附會之竟不知濟南爲何地耶似因呂都屬濟陰郡又誤以濟南爲濟陰抑知呂后時並無濟陰郡乎

離狐故城在荷澤西北秦置縣隋開皇六年更名單父

東晉改單父爲離狐隋復故名與此城無涉此係後魏縣漢城在此城西北三十里非荷澤地

郃城故城水經注洮水逕邛城縣故城南寰宇記南部在北郃南二里按今本漢志有郃城無邛城寰宇記以水經注之北郃爲南部謂爲漢縣而北郃不知所在

邛乃郃字之訛 寰宇記成武縣下云南北兩郃文王庶子所封宋邑也漢置郃城縣於此以北有郃城故以此爲南部

實郟城縣並無相去二里之文所謂南郟卽水經之南郟明
云南北兩郟又云以北有郟城何得謂不知北郟所在乎

秣縣故城孟康曰成武縣有秣城

有秣城乃續漢志劉昭注引晉地道記之文非孟康漢書注
黎縣故城在鄆城西春秋時黎國也詩序黎侯寓於衛左傳哀
十一年衛太叔疾置其妻之姊於犁

此黎侯所寓之衛邑先儒謂泥中爲邑名固不足據然可見
此地古無黎名後人以黎侯所居以名縣耳

范縣故城在范縣東南春秋屬晉

此魯之秦邑

陽晉城在鄆城西括地志陽晉城在乘氏西北三十七里

古陽晉城在今范鄆之間在乘氏者乃唐縣

中城在范縣南春秋成九年城中城注在東郡廩邱縣西南

杜注謂在東海厚邱縣西南傳刻訛厚作廩此又改海作郡
咸亭在鉅野南左傳杜注高平鉅野縣西有咸亭

注謂在鉅野南不云在西據水經注當在今鉅野東

盧津關在濮州西北

元和志稱關在臨黃東南臨黃城在州東北關安得在州西

北乎

古蹟既不以時代爲次又不從州縣之次古國古邑槩列郡

縣故城之舊殊不合

编号：(1928)第20号